

〔清〕錢秀昌 撰

傷科補要

中國醫學大成續集

傷科補要提要

清·錢秀昌撰。秀昌字松溪。上海人。傷科之學。在先識軀殼部位脈穴。故首列經穴骨度長短尺寸諸圖。並附洗冤錄致命不致命骨度。生死易於分別。人身諸骨之形狀。能照骨度辨明。如遇脫骺斷骨。其骨雖包於肉內。外視難明。照骨度部位。可以參合辨認。凡三十六則。參正骨心法之精義。合平日試驗之真傳。分爲條則。應用諸方。俱以經驗。末附諸方。抄集傷科各家之秘。又附急救良方。以便一時之取用。傷科應用必要之方。補采無遺。題曰補要。誰曰不宜。

嘉慶戊寅春鐫

上海錢秀昌著

傷科補要

精
華
醫
籍

堂藏板

序

良醫出而不患天札。醫書成而可綿心傳。病者賴醫。而醫者賴書。以精其業術。書詎不重矣哉。內科之書。汗牛充棟。

外科之書亦夥。若所謂傷科之書。則不少槩見。且夫疾之伏於內者。淺延腠理。深居膏肓。其患岐而理微。醫之良者。視色視毫毛。其術難而施易。

誤。著書者推闡精蘊。各名其家。故其書層出而不窮。發為癰瘍者次之。若傷也者由外至。其深淺重輕。可按視而得也。為術或稍易焉。書之不多。

見其以是與。余司民社有年
矣。民健聞而訟。聞而死者。在
在有之。每見垂斃人。昇卧堦
下。血糝糊。氣息纒屬。輒惻然
不忍。叵視。急呼醫。蓋傷者死。

剝毆者抵法。孤其子。寡其婦。
兩家均焉。幸而得全。則兩家
賴焉。當是時。兩家之命懸於
醫。或淺深重輕。失其情。投藥
違節。醫之不良。莫可挽救。故

嘗亦思得其書。以傳其精詣之微妙。上海精是者。曰錢生。呈其書。曰傷科補要。余讀而善之。又以傷科書僅見而珍之也。嗟乎。築室而不成者。道。

謀之誤之也。習焉而不極者。
多師之禁之也。內科之書。鮮
古說。而如聚訟矣。主其所見。
矜其所得。而執偏矣。似是而
非。熒學者之心目。而惑之矣。

讀之者。非貫漚諸家。參
義。而擇之精。辨之詳。鮮
焉。今傷科書不多見。是書
而世得其濟也。得無轉賤
多書者與。獨著而刪煩。有

而無非。所謂得其要也。肱三折而後醫良。蓋歷而試也。非歷而有所親得。何能創說以補古之所缺。補而能要。余尤善之。故欣然濡筆而爲之序。

吾聞古醫者。解顱理腦。破腹
滯腸。後世不可復得。而余親
見折足者。醫斷其骨而齊之。
中接以楊木。卧百日耳。步履不
爽其恒。豈古醫之奇者。其遺

術在傷科與。爲之穆然而
然而忘親而閉狠者。民風
悍也。馴悍而化之者。有司
責也。彼儲玉札牛溲而察
者。吾見其書而求其人。傷

乎。吾願而書之傳。而祝而術
之無傳也。

嘉慶己巳季春。知上海縣事
長白山人鐵菴蘇昌阿撰



自序

神農嘗草木始知醫藥。黃帝咨岐伯始創
之世。伊尹湯液。越人難經。漢晉以來。名
方書。汗牛充棟。而傷科一法。諸書雖載。
朝

宗純皇帝

御纂醫宗金鑑。無科不備。獨于正骨一書。
晰條分。近世專家。各執秘錄。未及叅觀。
而折其衷者鮮焉。余幼讀醫書。乃其義理。

望洋之嘆。欲就是科。遍訪名家。心傳未獲。辛丑歲。偶折左膊。得雨蒼楊夫子施治。不日療痊。因一時之痛苦。觸平昔之衷懷。即受業于楊夫子之門。始得接骨入筋之法。秘傳治傷之方。叅以正骨心法之要旨。屢試屢驗。乃嘆斯道之神而異也。夫醫雖小道。責任非輕。且是科之關係。尤甚于他科。凡人血氣方剛。鮮知自愛。跌磕損傷。固所不免。甚或一時聞毆。生死攸關。若斃一人。即傷兩命。傾家破產。孤子寡妻。目擊情形。心實憫之。余故不辭工賤。務窮其奧。不揣固陋。手輯

成編。遵正骨心法之精義。合平日試驗之真傳。分
三十六則。將經驗之方。渾括為歌。使學者易于成
臨症時了然心目。爰集為帙。名之曰傷科補要。是
也。既貴心靈。又藉手敏。高明之士既不屑為之。庸
之輩又難知其奧義。余本愚拙。廿載以來。細心窮
稍得其要。不忍秘笈。欲以公世。未識可補斯道否
大清嘉慶戊辰荷月上邑錢秀昌松溪氏自序



叅訂門人

陸雨田蒼虬

寶山

戴御天雲樵

上海

主沛寰雲舟

上海

殷維三藹堂

上海

羅星海琴圃

南滙

趙東序省菴

南滙

戴上珍秋橋

上海

凡例

一凡治傷。先須認明穴部。若穴不明。治則有誤。故繪總穴人圖及靈樞經骨度全圖。以便學者參考。

一人身骨部長短有尺寸。故抄靈樞經骨度繪出。以便刺繆用法中指同身寸爲准。

一人之穴部總多。一穴有幾名之呼。難以辨別。故照洗冤錄人圖繪閱。有致命不致命處。易於分別。

一凡人之脫骺斷骨。其骨骺包於肉裏。外視難明。恐有差悞。故照骨圖繪明。可辨其骺之形。其骨之狀。

臨症時雖於肉裏能洞悉其形狀。學者能再於枯
體上細細辨別更詳。

一治傷制器具以輔手法之成功。應用之器具亦繪
圖形。使學者依樣立法。

一週身名位骨圖甚多。恐難熟記。故錄其註釋。會集
一篇。學者誦而熟之。則了然心目矣。

一治傷須明其脈理。與症合參。庶不誤耳。茲叙其畧。
若要精微。須詳脈訣。

一三十六則。參正骨心法之精義。合平日試驗之真

傳。分爲條則。使學者熟讀。可括症治諸法之要。

一凡三十六則內應用諸方。俱以經驗。奈其湯液藥名總衆。記憶良難。渾括爲歌。易于成誦。臨用時。某症某方。某藥。燎然心目。如其藥味加減。分兩多寡。全在醫者隨症之輕重酌量可也。

一所編歌括。其中平仄韵脚不叶者。因限其湯名藥名難以更易也。

末附諸方。抄集傷科各家之秘。雖未經試驗。不敢擅刪。以備明眼之採擇。

一又附急救良方。以便一時之取用。并廣學者之心
胸。可行方便。

跋

古人云。不為良相即為良醫。夫良醫之等於良相。其義何居。蓋以醫之起死回生。亦如相之轉亂為治耳。松溪錢先生。抽青囊之秘旨。立丹竈之玄機。診疾之暇。博覽醫書。集古今之精英。啟將來之俊傑。制三十六則。補前賢之未備。歌九一方。祛沉疴之的。要屬予抄錄。握筆之暇。窺其志之不特壽人於今。直欲壽世於後。其扶危濟困之功。悠久無疆之願。豈淺鮮哉。所謂良醫之即同良相焉可也。

傷科補要跋

二

嘉慶庚午年季秋月穀旦七十老人愚溪陳炳謹跋



跋

昔外曾祖松溪錢公。以傷科無專書。編以補其要。意至深也。惜年逾六旬。似續。及門極盛。先君子字沛家號雲。得心傳。松溪公將歸道山。即命是書。代為收藏。且囑勿靳刷印。以冀流傳。公歿。先君子廣招書肆。令其刷出。壬寅丑之亂。板在危城。先君子設法取出。兵燹。今先君子有醫方切韻之刻。而

魚門煥崧承先人餘緒。術守岐黃。崧因與之。將舊板迭次校讐。慮有剝蝕。即行刊補。詎四十年來毫無缺失。於以見松溪公德澤之長。而先君子亦不負付託之重也。校閱既遍。謹贅數語。以誌板之所在云。時咸豐戊午秋仲外曾孫王煥崧拜跋。

傷科補要卷一

總目

卷一

人圖穴部

器具圖法

周身名位骨度註釋

傷科脉訣

卷二

治三十六則

卷三

治傷湯頭歌括

卷四

附錄總方

又附急救良方

傷科補要卷一

上海錢秀昌松溪氏編輯

男 丹書杏園

婿 何錦華鶴汀

同較

卷一目次

人身正面穴圖

人身合面穴圖

人身側面穴圖

骨度正面全圖

骨度背面全圖

骨度側面全圖

骨度正面尺寸圖

骨度背面尺寸圖

靈樞經骨度尺寸部

應刺穴圖

照洗冤錄屍格圖

照檢骨格圖

器具總論

攀索疊磚圖

腰柱圖

杉板圖

杉籬圖


抱膝圖

周身名位骨度註釋

傷科脉訣


傷科補要卷一目錄

人身正穴圖



傷科補要卷一

人身背面穴圖




人身側面穴圖

傷科補要卷一



傷科補要卷一

骨度正面全圖



傷科補要卷一


骨度側面全圖

傷科補要卷一




傷科補要卷一

骨 度 正 面 尺 寸 圖



骨度背尺面寸圖



靈樞經骨度尺寸

頭部

項髮以下至脊骨長二寸半

自後髮際以至大椎項骨三節處也。

按

頭部折法。以前髮際至後髮際折爲一尺二寸。

如髮際不明。則取睂心直上。後至大杼骨。折作一尺八寸。此爲直寸。橫寸法。以眼內角至外角。此爲一寸。頭部橫直寸法。並依此。

胸腹部

結喉以下至缺盆中長四寸

此以巨骨上陷中而言。卽天突空處。

缺盆以下髑髀之中長九寸。

胸圍四尺五寸。

兩乳之間廣九寸半

當折八寸為當。

髑髀中下至天樞長八寸

天樞是陽明穴名。在臍旁。此指平臍而言。

天樞以下至橫骨長六寸半。橫骨橫長六寸半

毛際下骨

曰橫骨。

按此古數。以今用上下穴法參較。多有未合。宜從

後胸腹折為當。

兩脾之間廣六寸半

此當兩股之中。橫骨兩頭之處。俗名解縫。

按胸腹折法。直寸以中行爲之。自缺盆中天突穴起。至岐骨際上中庭穴止。折作八寸四分。自髑髀上岐骨際下至臍心。折作八寸。臍心下至毛際曲骨穴。折作五寸。橫寸以兩乳相去折作八寸。胸腹橫直寸法并依此。

背部

脊骨以下至尾骶二十一節。長三尺。脊骨。脊骨也。脊骨外小而內巨。人之所以能負任者。以是骨之巨也。脊骨二十四節。今云二十一節者。除項骨三節不在內也。

腰圍四尺二寸

按背部折法。自大椎至尾骶。通折三尺。上七節各長一寸四分一厘。共九寸八分七厘。中七節各一寸六分一厘。共一尺一寸二分七厘。第十四節與臍相平。下七節各一寸二分六厘。共八寸八分二厘。共二尺九寸九分六厘。不足四厘者。有零未盡也。直寸依此。橫寸用中指同身寸法。脊骨內濶一寸。凡云第二行俠脊一寸半。三行俠脊三寸者。皆除脊一寸外。淨以寸半三寸論。故在二行當爲二寸。在三行當爲三寸半也。

側部

自柱骨下行腋中不見者。長四寸。柱骨。頸項根骨也。

腋以下至季脇長一尺二寸。季脇。小肋也。

季脇以下至脾樞長六寸。大腿曰股。股上曰髀。髀骨之下。大腿之上。兩骨合縫

之所曰髀樞。當足少陽環跳穴處也。

髀樞下至膝中長一尺九寸。

橫骨上廉下至內輔之上廉。長一尺八寸。骨際曰廉。膝旁之骨

突出者曰輔骨。內曰內輔。外曰外輔。

內輔之上廉以下至下廉。長三寸半。上廉下廉。可摸而得。

內輔下廉下至內踝長一尺二寸。

內踝以下至地長三寸。

四肢部

肩至肘長一尺七寸。

肘至腕長一尺二寸半。臂之中節曰肘。

腕至中指本節長四寸。臂掌之交曰腕。

本節至末長四寸半。指之後節曰本節。

膝以下至外踝長一尺六寸。

膝膕以下至跗屬長一尺二寸。膕。腿灣也。跗。足面也。膝在前。膕在後。跗屬。

者。凡兩踝前後脛掌所交之處。皆爲跗之屬也。

跗屬以下至地長三寸。


外踝以下至地長一寸。

足長一尺二寸廣四寸半。

按骨度乃靈樞經骨度篇之文。論骨之長短皆古數也。然骨之大者則太過。小者則不及。此亦言其則耳。若周身手足折量之法。用前中指同身寸法爲是。同身寸量法。詳刺灸書中。

傷科補要卷一

應刺穴圖



傷科補要卷一

二三

傷科補要卷一

應刺之法詳於第三十六則內

二四

照檢骨格圖

一仰面

致命頂心

致命兩太陽穴右左

致命鼻梁骨

致命口骨上下

致命頰車骨右左

致命龜子骨即胸前膏。係連着脊。

致命兩血盆骨右左

致命顙門骨

致命兩眉稜骨右左

致命兩顴骨

致命齒上下

致命兩耳竅右左

致命心坎骨

致命兩橫髑骨右左

致命額顙骨

致命兩眼眶骨右左

致命兩顙頰骨右左

致命頷頰骨

致命喉骨其骨甚脆。見亦醫案可檢。

致命兩肩井臆骨右左

致命兩飯匙骨右左

不致命 兩胎膊骨

右左

不致命 兩髀骨

右左 婦人無

不致命 兩腕骨

右左

不致命 兩膝前

右左

不致命 兩脛骨

右左

不致命 兩肢骨

右左

不致命 兩脚跟骨共塊

右左

一合面

致命 腦後骨

不致命 兩肘骨

右左

不致命 兩手踝

右左

不致命 兩手掌骨十塊

右左

不致命 兩腿骨

右左

不致命 兩筋骨

右左 婦人無

不致命 兩足掌骨跌骨十塊

右左

不致命 兩臂骨

不致命 兩手外踝

右左

不致命 兩手指骨于六節

右左

不致命 兩膝蓋骨

右左

不致命 兩足外踝

右左

不致命 十趾共三十六節

右左

致命 乘枕骨

右左 婦人無

致命 兩耳根骨

右左

兩後脇右左 腰眼右左

一合面不致命

髮際 項頸 兩臂膊右左 兩肱肘右左

兩手腕右左 兩手背右左 十指右左 十脂甲右左

兩後肋右左 兩鬢右左 穀道 兩腿右左

兩曲肱右左 兩腿肚右左 兩腳踝右左 兩腳根右左

兩脚心右左 十趾右左 十趾肚右左 十趾甲右左

十趾甲縫右左

傷科補要卷一

照洗冤錄屍格圖

一仰面致命共十六處

頂心

偏左

偏右

額門

額顛

額角

兩太陽穴左右

兩耳竅左右

咽喉

胸膛

兩乳左右

心坎

肚腹

兩脇

臍肚

腎囊婦人產門
女子陰戶

一仰面不致命

兩眉

左右

眉叢

左右

兩眼胞

左右

兩眼睛

左右

兩腮頰

左右

兩耳

左右

兩耳輪

左右

兩耳垂

左右

鼻梁

鼻竅 右左

人中 上下唇吻

上下牙齒

頷頰 右左

食氣嚨 兩血盆骨 右左

兩肩甲 右左

兩腋肌 右左

兩胎膊 右左 兩曲肱 右左

兩手腕 右左

兩手 兩手心

十指

十指甲縫

兩肋 右左

兩膀 右左 莖物

兩腿 右左

兩膝 右左

兩臙肋 右左 兩腳腕 右左

兩脚面 右左

十趾

十趾甲

一合面致命處 共六

腦後

兩耳根 右左

脊背

脊脊

致命項頸骨第一節

致命第二節

致命第三節

致命第四節

致命第五節

致命琵琶骨亦名脾骨

致命脊背骨第一節

致命二節兩旁橫出者髑骨

致命第三節

致命第四節

致命第五節

致命第六節

致命脊背骨第一節

致命第二節

致命第三節

致命第四節

致命第五節

致命第六節

致命第七節

致命兩肋骨共二十四條。即釵骨。婦人多四條。

致命腰眼骨第一節

致命第二節

致命第三節


致命第四節

致命第五節

致命方骨

不致命
胯骨後
左右

不致命
尾蛆骨。男子九竅。婦人六竅。




器具總論

跌撲損傷。雖用法調治。恐未盡得其宜。以致有治如未治之苦。則未可云醫理之周詳也。爰因身體上下正側之象。製器以正之。用輔手法之所不逮。以冀分者復合。欹者復正。高者就其平。陷者升其位。則危證可轉於安。重傷可就於輕。再施以藥餌之功。更示以調養之善。則正骨之道全矣。

傷科補要卷一

攀索疊甄用法圖

傷科補要卷一



攀索

攀索者。以繩掛於高處。用手攀之也。


疊輒

疊輒者。以磚六塊分左右。各疊置三塊。兩足踏於其上。上也。

用法詳於第十五則內


腰柱圖

傷科補要卷一



腰柱用法圖

傷科補要卷一



四二

腰柱

腰柱者。以杉木四根。製如扁擔形。寬一寸。厚五分。長短以患處爲度。俱自側面鑽孔。以繩聯貫之。

用法釋義

凡腰間閃挫結氣者。以常法治之。若腰節骨被傷錯。筋骨破裂。筋斜僵。用醋調定痛散。敷於腰柱上。視患處。將柱排列於脊骨兩旁。務令端正。再用蘆艾做成薄褥。覆於柱上。以御風寒。用寬長布帶繞向腹前。緊緊紫裹。內服藥餌調治。自愈。

傷科補要卷一

木板

木板者。用極薄之杉木板。如有糕匣木板者更妙。用法。先以白布條纏於傷處。至二三重後。將板四圍覆上。又將布纏之外。再用杉籬裹於外也。



其用詳於第十六則內。

杉籬

杉籬者。複逼之器也。量患處之長短濶狹。曲直凸凹之形。以杉木爲之。酌其根數。記清次序。不得紊亂。然

後於每根兩頭各鑽一孔。以繩聯貫之。有似於籬。故名焉。裹於杉板之外。取其堅勁。不致斷骨之走動耳。

木板圖 杉籬圖




木 板 杉 籬 用 法 圖

傷科補要卷一



抱 膝 圖

傷
科
補
要
卷
一



抱膝用法圖

傷科補要卷一



抱膝

抱膝者。用絲弦簾作圈。較膝蓋骨稍大些。以布條纏於圈上。作四足之形。纏於膝上。

用法詳於第二十二則內。

傷科補要卷一

周身名位骨度註釋

頭者。人之首也。凡物獨出之首。皆名曰頭。腦者。頭骨之髓也。俗名腦子。顛者。頭頂也。顛頂之骨。俗名天靈蓋。囟者。顛前之頭骨也。小兒初生未闔名曰囟門。已闔名曰囟骨。卽天靈蓋後合之骨。面者。凡前曰面。凡後曰背。居頭之前。故曰面也。顏者。睂目間名也。額。額前髮際之下。兩睂之上。名曰額。一曰顛者。亦額之謂也。頭角。額兩旁棱處之骨也。鬢骨。卽兩太陽之骨也。目者。司視之竅也。目胞者。一名目窠。一名目裹。卽

上下兩目外衛之胞也。目網者。卽上下目胞之兩臉邊。又名曰睫。司目之開闔也。目內眥者。乃近鼻之內眼角。以其大而圓。故又名大眥也。目外眥者。乃近鬢前之眼角也。以其小而尖。故稱目銳眥也。目珠者。睛之俗名也。目系者。目睛入腦之系也。目眶骨者。目窠四圍之骨也。上曰眉棱骨。下卽頤骨。頤骨之外卽顴骨。頤者。目下之眶骨。顴骨內下連上牙床者也。頰者。鼻梁。卽山根也。鼻者。司臭之竅也。兩孔之界骨名曰鼻柱。下至鼻盡之處。名曰準頭。頰者。頤內鼻旁間近

生門牙之骨也。顴者。面兩旁高起之大骨也。頤者。俗呼爲腮。口旁頰前肉之空軟處也。耳者。司聽之竅也。蔽者。耳門也。耳郭者。耳輪也。頰。耳前顴側面兩旁之稱也。曲頰者。頰之骨也。曲如環形。受頰車骨尾之鈎者也。頰車者。下牙床骨也。總載諸齒。能咀食物。故名頰車。人中者。鼻柱之下。脣之上。穴名水溝。口者。司言食之竅也。脣者。口端也。吻者。口之四周也。頤者。口角後頤之下也。頰者。口之下脣至末之處。俗名下把殼也。頤者。頰下結喉上。兩側肉之空軟處也。齒者。口斷

所生之骨也。俗名曰牙。有門牙。虎牙。槽牙。上下盡根
牙之別。舌者。司味之竅也。舌本者。舌之根也。頑顙者。
口內之上二孔。司分氣之竅也。懸雍垂者。張口視喉
上似乳頭之小舌。俗名確嘴。會厭者。覆喉管之上竅。
似皮似膜。發聲則開。嚥食則閉。故爲聲音之戶也。咽
者。飲食之路也。居喉之後。喉者。通聲息之路也。居咽
之前。喉嚨者。喉也。肺之系也。噎者。咽也。胃之系也。結
喉者。喉之管頭也。其人瘦者。多外見頸前。肥人則隱
於肉內。多不見也。胸膈者。缺盆下腹之上。有骨之處。

也。膺者。胸前兩旁高處也。一名曰臆。胸骨肉也。俗名胸膺。鬲肝者。胸之衆骨名也。乳者。膺上突起兩肉有頭。婦人以乳兒者也。鳩尾者。卽蔽心骨也。其質係脆骨。在胸骨之下。岐骨之間。膈者。胸下腹上之界內之膜也。俗名羅膈。腹者。膈之下曰腹。俗名肚。臍之下曰少腹。亦名小腹。臍者。人之初生胞帶之處也。毛際者。小腹下橫骨間叢毛之際也。下橫骨俗名蓋骨。篡者。橫骨之下。兩股之前。相合其結之凹也。前後兩陰之間名下極穴。又名屏翳穴。會陰穴。卽男女陰氣之所

也。辜丸者。男子前陰之兩丸也。上橫骨。在喉前宛宛中。天突穴之外。小灣橫骨。旁接拄骨之骨也。拄骨者。膺上缺盆之外。俗名韻子骨也。內接橫骨。外接肩解也。肩解者。肩端之骨節解處也。髑骨者。肩端之骨也。卽肩胛骨頭曰之上稜骨也。其曰接膈骨上端。俗曰肩頭。其外曲卷翅骨。肩後之稜骨也。其下稜骨在背肉內。肩胛者。卽髑骨之末。成片骨也。亦名肩髑。俗名欽板子骨。臂者。上身兩大支之通稱也。一名曰肱。俗名肱膊。肱膊中節。上下骨交接處名曰肘。肘上之骨

曰肱骨。肘下之骨曰臂骨。臂骨有正輔二骨。輔骨在上。短細偏外。正骨居下。長大偏內。俱下接腕骨也。腕者。臂掌骨接交處。以其宛屈故名也。當外側之骨。名曰高骨。一名銳骨。亦名踝骨。掌者。手之衆指之本也。掌之衆骨名壅骨。合湊成掌。非塊然一骨也。魚者在掌外側之上。隴起。其形如魚。故謂之魚也。手者。上體所以持物也。手心者。卽掌之中也。手背者。手之表也。指骨者。手指之骨也。第一大指名巨指。在外二節。本節在掌。第二名食指。又名大指之次指。三節在外。本

節在掌。第三中指名將指。三節在外。本節在掌。第四指名無名指。又名小指之次指。三節在外。本節在掌。第五指爲小指。三節在外。本節在掌。其節節交接處。皆有碎骨筋膜聯絡。爪甲者。指之甲也。足趾同。岐骨者。凡骨之兩叉者皆名岐骨。手足同。臑者。肩髀下內側對腋處。高起要白肉也。腋者。肩之下脇之上際。俗名肱肢窩。脇肋者。腋下至肋骨盡處之統名也。曰肋者。脇之單條骨之謂。統脇肋之總。又名曰胙。季脇者。脇之下小肋骨也。俗名軟肋。眇者。脇下無肋骨空軟。

處也。腦後骨者。俗呼腦杓。枕骨者。腦後骨之下隴起者。是也。其骨或稜或平。或長或圓不一。完骨者。耳後之稜骨。名曰完骨。在枕骨下兩旁之稜骨也。頸項者。頸之莖也。又曰。頸者莖之側也。項者莖之後也。俗名脖項。頸者。頭之莖骨。肩骨上際之骨。俗名天柱骨也。項骨者。頭後莖骨之上三節圓骨也。背者。後身大椎以下腰以上之通稱也。脊者。夾脊骨兩旁肉也。脊骨者。脊骨也。俗名脊樑骨。腰骨者。卽脊骨十四椎下十五十六椎間。尻上之骨也。其形中凹。上寬下窄。方。

圓二三寸許。兩旁四孔。下接尻骨上際也。腓者。腰下兩旁踝骨上之肉也。髌者。腓下尻旁大肉也。尻骨者。腰骨下十七椎十八椎十九椎二十椎二十一椎五節之骨也。上四節紋之旁。左右各四孔。骨形內凹如瓦。長四五寸許。上寬下窄。末節更小。如人參蘆形。名尾間。一名骹端。一名樞骨。一名窮骨。在肛門後。其骨上外兩旁形如馬蹄。附着兩踝骨上端。俗名髌骨。肛者。大腸下口也。下橫骨。踝骨樞骨者。下橫骨在少腹下。其形如蓋。故名蓋骨也。其骨左右二大孔。上兩分

出向後之骨。首如張扇。下寸許附着於尻骨之上。形如馬蹄之處。名曰踝骨。下兩分出向前之骨。末如樅柱。在於鬻內。名曰樅骨。與尻骨成鼎足之勢。爲坐之主骨也。婦人俗名交骨。其骨面名曰髓。俠髓之曰名曰機。又名脾樞。外接股之髀骨也。卽環跳穴處。此一骨五名也。股者。下身兩大支之通稱也。俗名大腿。小腿。中節上下交接處。名曰膝。膝上之骨曰髀骨。股之大骨也。膝下之骨曰胫骨。脛之大骨也。髀骨者。膝上之大骨也。上端如杵。接於髀樞。下端如錘。接於胫骨。

也。胛骨者。俗名廉脛骨也。其骨兩根。在前者名成骨。又名胛骨。形粗。膝外突出之骨也。在後者名輔骨。形細。膝內側之小骨也。伏兔者。髌骨前膝之上起。肉似俯兔。故曰伏兔。膝解者。膝之節解也。臏骨者。膝上蓋骨也。連骸者。膝外側二高骨也。膕者。膝後屈處。俗名腿凹也。腓者。下腿肚也。一名腓腸。俗名小腿肚。踝骨者。胛骨之下。足附之上。兩旁突出之高骨。在外爲外踝。在內爲內踝也。足者。下體所以趨步也。俗名脚。跗骨者。足背也。一名足跗。俗稱脚面。跗骨者。足趾本節。

之。眾也。足心者。卽踵之中也。跟骨者。跟足後根之骨也。趾者。足之指也。其數五。名爲趾者。別於手也。居內之大者。名大趾。第二趾名大趾之次趾。第三趾名中趾。第四趾名小趾之次趾。第五趾居外之小者。名小趾。足之指節亦與手指節同。其大趾之本節後內側圓骨形。衮者。名核骨。三毛者。足大趾爪甲後爲三毛。毛後橫紋爲聚毛。踵者。足下面着於地之謂也。俗名脚底板。

傷科補要卷一

脉訣

傷科之脉。須知確鑿蓄血之症。脉宜洪大。失血之脉。洪大難握。蓄血在中。牢大却宜。沉澹而微。速愈者稀。失血諸症。脉必現芤。緩小可喜。數大甚憂。浮芤緩澹。失血者宜。若數且大。邪勝難醫。蓄血脉微。元氣必虛。脉症相反。峻猛難施。左手三部浮緊而弦。外感風寒。右手三部洪大而實。內傷蓄血。或沉或伏。寒凝氣束。乍疎乍數。傳變莫度。沉滑而緊。痰瘀之作。浮滑且數。風痰之惡。六脉模糊。吉凶難摸。和緩有神。雖危不哭。

重傷痛極。何妨代脉。可以醫療。不須驚愕。欲知其要。
細心習學。

傷科補要

治傷三十六則目錄

第一則 金鎗論治

第二則 治傷法論

第三則 跌打損傷內治證

第四則 至險之證不治論

第五則 從高墜下傷

第六則 顛頂骨傷

第七則 胸門骨傷

第八則 鼻樑骨斷附目傷

第九則 唇口玉堂傷

第十則 傷耳

第十一則 咽喉傷

第十二則 腹傷腸出

第十三則 手法論

第十四則 髓子骨附胸脇

第十五則 背脊骨傷

第十六則 接骨論治

第十七則 脫下頰附失頸

第十八則 髑骨斷失

第十九則 曲脈筋

第二十則 手腕筋

第二十一則 醫筋骨

第二十二則 大捷骨膝蓋骨

第二十三則 筋骨脚踝跗骨

第二十四則 受傷著寒及懷孕而傷

第二十五則 受傷感痧疫論

第二十六則 損傷出血吐血

第二十七則 胸腹脇肋痛悶

第二十八則 腹痛腰痛

第二十九則 杖傷夾棍傷

第三十則 藥箭傷

第三十一則 諸咬傷

第三十二則 湯火傷

第三十三則 救自縊法

第三十四則 救溺水

第三十五則 運燻灸倒四法。灸臍化痞法附

第三十六則 應刺諸穴

傷科補要卷二

傷科補要卷之二

上海錢秀昌松溪氏編輯

男 丹書杏園

婿何錦華鶴汀

仝

第一則 金鎗論治

夫金瘡者。乃刀斧劍刃之所傷也。故名曰金瘡。蓋
乃春之權。金乃秋之令。春則萬物始生。故春屬震。
東方甲木之氣也。秋則萬物凋零。故金屬兌。乃西
庚金之氣也。金瘡之色最喜者淡紅。故吉多而凶
最惡者紫黑。故少吉而多凶。但金屬肺。患金瘡者

忌咳嗽嘔噦。亟宜避風爲妥。夫風屬巽木。肝之氣也。瘡屬庚金。肺之候也。如瘡口被風邪所客。則木旺生火。反尅肺金。而成破傷風矣。致瘡口浮腫潰爛流膿。變生諸症。甚則憎寒壯熱。口噤目斜。身體強直。角弓反張。危在旦夕。救之不及者。死。其看法。須辨瘡口之淺深。脉象之虛實。年歲之老少。稟賦之厚薄。若胃氣益旺。飲食如常。此爲最善。蓋脾胃屬土。土生萬物。爲陽氣之元。陽氣旺。則陰血易生。尤須戒怒。絕慾。怒則瘡口迸裂。變生贅肉。慾則瘡口腐爛。易損新肌。所賴

髓經而治。轉危爲安矣。凡金瘡初治。輕者當出血之時。用止血絮封固傷口。急止其血。如無所犯。待其結痂自愈。重者筋斷血飛。摻如聖金刀散。用止血絮紮住。血止後。若腫潰。去其前藥。再塗玉紅膏。外蓋陀僧膏。止痛生肌。初服三黃寶蠟丸。若腫痛。服黎洞丸。如出血過多。面黃眼黑。不可攻瘀。宜服八珍湯。甚者獨參湯。先固根本。凡初傷時。切忌熱湯淋洗。恐冒湯火之毒。若傷口腫潰流膿。用甘葱煎洗淨。再摻金鎗鉄扇散。收濕拔膿。外蓋玉紅膏。止痛生肌。防護風邪。可

無後患。凡服湯藥。必以和營養衛爲主。若有傷風身熱腫痛等象。視其脈浮無力。則病在太陽。宜羌活湯汗之。脈長有力。則病在陽明。宜承氣湯下之。脈緊而弦。則病在少陽。宜柴胡湯和解之。若傳變入裏。則不治矣。夫金瘡變易。各有治法。或居於邊疆。偶爲刀箭所傷。非得勝之藥。安能治之乎。虎鈴經曰。人爲兵器所傷。出血者。必口渴甚。不可妄與熱湯及熱酒。須乾食肥膩之物。取其解渴而已。斯無妨害。卽熱粥亦不宜多飲。多則血沸出不止。其所忌蓋有八焉。一忌罵

怒。二忌喜笑。三忌高聲。四忌勞力。五忌妄動。六忌熱羹粥飲。七忌過酒。八忌酸鹹。此八者犯之。鮮有得生者。亦有不可治者。九曰傷腦。曰傷天倉。曰傷臂中跳脈。曰傷大小腸。曰傷五臟。此九者皆死。又有難治者。四腦破髓出。及咽喉中沸聲。兩目直視。并痛在不傷處。經曰。出血不止。前赤後黑。或肌肉腐爛。寒凝堅實。其瘡難愈。有此四者。皆不可療。更按其脈之虛細沉小和緩者生。若浮洪數大急疾者死。如失血過多。急宜人參補氣。卽經所謂陽生陰長之義耳。

第二則 治傷法論

夫跌打損傷。墜墮磕碰之證。專從血論。或有瘀血停積。或爲亾血過多。然後施治。庶不有悞。若皮不破而內損者。多有瘀血停滯。或積於臟腑者。宜攻利之。或皮開肉綻。亾血過多者。宜補而行之。更察其所傷上下輕重淺深之異。經絡氣血多少之殊。先遂其瘀。而後和營止痛。自無不效。內經云。形傷則痛。氣傷則腫。又曰。先腫而後痛者。形傷氣也。先痛而後腫者。氣傷形也。凡打撲閃錯。或惱怒氣滯。血凝腫痛。或因叫號。

血氣損傷。或過服剋伐之劑。或外敷寒涼之藥。致氣血凝結者。宜活血順氣之法。夫損傷雜證。不及備載。俱分門晰類。詳列於後。學者宜盡心焉。

第三則 跌打損傷內治證

是跌打損傷之證。惡血留內。則不分何經。皆以肝爲三蓋。肝主血也。敗血必歸於肝。其痛多在脇肋小腹者。皆肝經之道路也。宜疏肝調血。行經爲主。王好古云。登高墜下。撞打等傷。心腹胸中停積瘀血。或氣瘀攻冲。昏迷不醒。或寒熱往來。日輕夜重。變症多端。醫者不審其原。不切脈之虛實。不分經絡臟腑。妄投藥劑。枉死者多矣。故臨症時。須察脈之虛實。審症輕重。藥配君臣佐使。治分老幼強弱。卽從上中下三焦分

別部位。若瘀在上而吐血者。宜犀角地黃湯。在中者。桃仁承氣湯。在下者。抵當湯。虛人宜佐以四物湯。若瘀散。復元通氣散調之。或傷處青腫堅實。痛難轉側。脈濇而滯者。防其氣瘀上冲。宜投參黃散逐瘀。又宜復元活血湯。或受傷日久。纔醫者。敗血堅凝。宜服紫金丹逐瘀。又祛傷散。疏通爲要。俟其色散淡。血和痛止爲度。或有牙關緊閉。用通關散吹入鼻中。取嚏。投三黃寶腦丸。或奪命丹。如口開。納藥者可治。不納藥者危。須忌濕地。當風坐臥。忌食生冷硬物。忌服寒涼。

藥餌恐其血凝難化遺留後患也。凡視重傷先解開衣服。遍觀傷之重輕。穴之致命與否。察色聞聲。脉探虛實。如六脉和緩者生。九候不調者死。陰囊內有腎子者可治。如入小腹者不治。如牙關閉。急用開牙散搽之。若能甦醒。再投黎洞丸。或可挽回。醫者須細心審察。不可草率誤人。

第四則 至險之證不治論

凡至險之症。有氣管全斷者不治。若稍連續者可治。或氣管捏扁。氣塞不通。醫將二指撚正其管。用通關散吹鼻取嚏可也。或天柱骨斷。額冷脉絕者死。或顛門骨破。髓出者不治。若內膜不穿。髓不出者可治。或食飽受傷。及跌損內臟者不治。若過得三日可治。或耳後壽台骨破。血流不止者難治。胸口大痛。青色畏心者死。兩乳重傷。痛極呼吸不得者難治。或腎囊皮破。腎子掛出者可治。腎子入小腹者不治。或腰眼重

傷內腎離位。或笑或哭者立死。或胃陽受傷吐糞。或泄糞者立死。孕婦足踢小腹者難治。重傷後氣出不收。眼開者不治。口如魚嘴。吹沫纏風者不治。小腹重傷不分陰陽者難治。或跨物失足。騎傷陽物。始而溺孔出血。繼則玉莖腫脹。小便點滴不通。小腹堅實者。死于七日內不治。又有八忌。一忌傷腦髓出。二忌傷臂中跳脈。三忌傷小腹膀胱。四忌傷海底穴。五忌傷內臟。六忌傷氣海。咽喉痰聲如鋸物。七忌疼在不傷處。兩目直視。八忌血出不止。先赤後黑。肌肉腐爛。臭。

穢不堪。犯此入者難治。凡聞毆時向上打爲順氣。平打爲塞氣。倒插打爲逆氣。凡人血隨氣轉。氣順則血順。氣逆則血逆。塞則氣閉。逆則上冲。是以傷有平塞順逆之別。若治之不辨。危在須臾。又有五絕之論。一看兩眼白睛上紅筋多則瘀血亦多。若直視無神不治。二扳擎其指甲。血卽還原者可治。不還原者不治。三若脚趾與手指甲俱黑者死。四陽物縮者不治。五脚底之色臘黃者難治。此五絕之症也。又有十不治之證。顛撲損傷入於肺者。縱未卽死。二七難過。左脇

下傷透至內者。腸傷斷者。小腹下傷入內者。證候繁多者。傷破陰子者。老人左股壓碎者。血出盡者。肩內耳後傷透於內者。脈不實者。已上諸證不必用藥。

第五則 從高墜下傷

凡人從高墜下。跌傷五臟。不省人事。氣塞不通者。看其兩太陽及胛前脅下如何。若動則可救。急用通關散吹鼻中。如有噤語聲得出者。投黎洞丸。再服復元活血湯。逐瘀生新。若遲則不救。或有從高倒墜。天柱骨折。致頸插入腔內。而左右尚活動處。用提法治之。或打傷頭低不起。用端法治之。或墜傷左右歪斜。用整法治之。或傷而面仰。頭不能垂。或筋長骨錯。或筋聚筋強。頭垂不起者。用推端續整四法治之。臨症時

須問其或翻車墜馬。或高處墜下。或打重跌倒。或思食不思食。若四肢無傷。精神不減。或能坐動者輕。或昏睡不語。或疼痛呼號。瘀聚凝結。腫脹者重。投三黃寶臘丸。服接骨紫金丹。敷萬靈定痛散。手法詳後。

第六則 顛頂骨傷

顛頂骨。男子三叉縫。女子十字紋。一名天靈蓋。位居至高。內函腦髓。以統全體者也。或跌打礮撞等傷。卒然而死。身體強直。口鼻尚有出入之氣。心口溫熱跳動者。可救。惟宜屈膝盤坐。先將醋調混元膏敷於頂上。再將草紙捲點燃着。合煙氣薰其口鼻。或炭或鐵燒紅。淬入醋內。使熱氣薰其口鼻。引五臟血脈之氣。通和。待其口中呻吟有聲。用童便調入麝散。或黎洞丸亦可。俟其氣轉陽回。外用手法按摩心胸兩腋下。

並托其手腕頻頻揉摩兩手脈窠。凡傷則筋脈強硬。頻頻揉摩則心血來復。命脈流通。即可回生。再服接骨紫金丹。外用散瘀和傷湯。洗去前藥。換敷混元膏。或大便乾燥。乃內存瘀血。服加減蘇子桃仁湯。或耳聾者。用導氣通瘀錠塞耳中。食宜素粥。切戒惱怒。忌油膩麪食。臥宜淨室。勿令人喧擾。若重傷已死者。用白布纏頸。以木棍輕輕拍擊足心。再提髮合其頸端直。舒其筋絡。外敷混元膏。內服紫金丹。如外皮未破。而骨已碎。內膜已穿。血向內流。聲啞不語。面青唇黑。

者不治。或頂骨塌陷驚動腦髓。七竅出血。身挺僵厥。昏悶全無知覺者不治。或骨碎髓出不治。或皮開肉綻。血流不止者可治。用止血絮封固。先止其血。服補氣養血湯。宜避風寒。戒怒遠色。俟其結痂。若潰爛流膿。用甘葱煎洗去封藥。摻鐵扇散。蓋玉紅膏。服疏風養血湯。照法洗換。待其結痂全愈。

第七則 顛門骨傷

顛骨者。卽嬰兒頂骨未合時軟而跳動之處。名顛門。或跌打損傷。骨縫雖綻。尙未震動腦髓。其頭面浮光。眼腫鼻大。唇翻舌硬。睡臥昏沉。肉雖腫而皮未破。瘀血內蓄者。宜扶起正坐。以葱汁調定痛散敷於傷處。用粗紙蘸醋貼于藥上。燒鉄熨斗烙紙上。以傷處覺熱疼。口中有聲爲度。去藥貼萬靈膏。二三日一換。用和傷湯洗之。自然腫消痛止。或皮破血出不止。用止血絮封固。內服和營養衛湯。若潰爛流膿。用甘葱煎。

洗云前藥。摻生肌散。貼玉紅膏。宜避風寒。忌食發物。火酒。若皮破血流不止。骨陷筋翻。必損腦髓。氣息無聲。則危篤難醫。若破傷風者。照前傷風法治之。山角骨。卽頭頂兩旁稜骨也。凌雲骨。在前髮際下。卽正中額骨。卽額顱也。左右天賢骨者。卽兩額角也。睛明骨。卽目窠四圍目眶骨也。眉稜骨。其下曰頰骨。下接上牙床也。若傷之。均照前齒骨傷法治之可也。然臨症之權衡。用藥之巧妙。神而明之。存乎其人。

第八則 鼻樑骨斷附目傷

鼻樑骨下至準頭傷而出血可治。外將止血定痛散敷之內服接骨紫金丹。或傷開孔竅。或鼻破歪落。用整端法。用藥敷貼可也。若骨破碎。內膜穿破。口鼻流血者。不治。中血堂。卽鼻內頰下脆骨空處也。若傷之。血流不止。神氣昏迷者。宜塞鼻丹塞於鼻中。用冷水淋激頭頂。視其人如氣虛。內服人參紫金丹。如血瘀。服蘇子桃仁湯。若血流不止。飲食不進。氣虛目閉。面黃者。八日而斃。或睛明骨傷。眼珠掛落者。先將收珠

散用銀針蘸井花水。將藥點眼珠上。及點血筋上。用
舊絹溫湯挪上。服還睛湯二三劑。又服明目地黃湯
調理可愈。

第九則 唇口玉堂傷

唇口者。司言食之竅也。或傷破唇缺。先用油線縫合。敷止血生肌散。蓋玉紅膏。內服健脾養胃湯可愈。或含刀誤割其舌。將斷而未落者。用雞子內軟衣袋舌。將止痛生肌散。蜜調敷舌上。頻頻添換。使患人仰臥。薄粥灌喉。不動其舌。則易愈。又有玉堂在口內上腭。一名上含。其竅卽頰頰也。若觸刺傷其左右者。惟腫而已。若傷正中之孔。上通於頰。必傷鼻孔之卷肉。或犯空竅。則血流不止。以致鼻目皆腫。滿面青紫。神倦。

頭暈。痛連腦髓。若傷及會厭與上橫骨。重則不能言。痛連心膈。昏迷沉重者險。急用膩粉冰片細研。吹於患處。以止其血。服接骨紫金丹。再用蟬黃血竭煎湯。日漱日二三十次。如飲食難進。以柿霜玉露霜牛奶。或奶油。或粉粥麵粥等物。以涼潤將息得法可愈。

第十則 傷耳

耳者。司聽之竅也。耳門名曰蔽。耳輪名曰郭。或被砍跌打落。或上脫下粘。或下脫上連。須撚正。用封藥敷貼。若全脫落。急用綴法。將兩耳相對。用藥貼定。再以竹夾子直上橫縛可全。又有玉梁骨卽耳門骨。其處上卽曲頰。下卽頰車。兩骨之合鉗也。內通腦髓。亦關靈明。若傷者腫痛流血。服接骨紫金丹。外用八仙道遙湯薰洗。貼混元膏。若傷重內動腦髓。及傷靈明。昏沉不省。若平素氣血皆虛者不治。

地閣骨。卽兩車相交之骨。又名頰。俗名下巴骨也。上
載牙齒。傷之飲食不進。目閉神昏。心熱神亂。服大神
效活絡丹。再嚙化人參紫金丹。搽固齒散。外貼萬靈
膏。忌風寒冷物。或牙齒傷動者。用蒺藜根燒存性爲
末。搽之。或以固齒散搽之亦佳。

第十一則 咽喉傷

咽喉者。乃氣息之路也。或被傷或自刎。其症迅速。急則可救。遲則血脫額冷。氣絕不治。乘其氣未絕而身未冷。急用油線縫合。摻止痛散。將止血絮止其血。蓋玉紅膏。又將長肉膏長四五寸。濶二三寸。橫貼連及好肉處。不使封藥脫落。外用布條纏頸。高枕仰臥。使項屈不伸。刀口易合。宜處密室避風。使呼吸舒徐。用人參川米生姜煎湯。時時飲之。補接元氣。若二三日後有膿水流出。解去前藥。用甘蔥湯洗淨。摻生肌散。

搽玉紅膏。又外貼長肉膏。防護風邪。冬天三日。夏天一二日。照法洗換。自然痛止。其肌漸長。服八珍湯。調治月餘。可愈。如大便閉結。不可妄攻。服麻仁丸。至急者。用膽導法。無損其元。按內景圖云。喉在前。主出。咽在後。主納。喉系堅空。連接肺本。爲氣息之路。呼吸出入。下通諸臟。乃氣化之要道也。咽系柔空。下接胃本。爲飲食之路。水穀歸胃。下通諸腑。乃轉運之關津也。若傷之。豈不至險乎。治者須心手相應。不差毫髮。乃無悞也。而先看其刀彎者。其痕深。其刀直者。其痕淺。

若左手持刀而刎者深。右手持刀而刎者淺。一刀勒者深。兩刀勒者淺。如喉腕破而有出入之氣。封藥吸進必嗆咳。先用雞子內軟衣蓋於破腕之上。再將藥封之。則不嗆矣。如單腕破者。月餘而痊。雙腕破者。兩月而愈。照法治之可也。

第十二則 腹傷腸出

如鑊破大小腹致腸突出者。看腸外衣膜穿破否。若膜穿者。腸必逐條而散也。則不治。若腸雖未出。而內膜已穿。血向內流者。不治。如膜未穿破。雖險可治。又有油膜突出者。亦可治。不可傷其膜。宜敷收膜散。外蓋玉紅膏。冀其漸平。如腸出者。將溫湯浴煖其腸。不可傷犯。一人將醋和冷水。不令病者知覺。急喫其面。其腸自收。用油線縫合。不可太深。恐傷其肉。搽鐵扇散。搽玉紅膏。外蓋長肉膏。又用布纏腰數轉。須避風。

邪切戒。膿怒高聲。恐有崩裂之患。初服舒腸活血湯。再服八珍湯。調理月餘可愈。或陰囊皮破。腎子掛出。用溫湯挪上。油線縫合。搽玉紅膏。又蓋長肉膏。服調理之劑可愈。或皮不破而腎子人小腹者不治。

凡皮肉穿破之症。失血過多。營衛已虛。或被風邪襲入經絡。漸傳入裏。寒熱交作。口噤咬牙。角弓反張。口吐涎沫。身冷自汗。傷口反爲底陷。其毒內攻。其危甚速。投萬靈丹。或大神效活絡丹。以玉真散敷於患處。得膿掀腫。身溫有汗爲效。若前症不退。傷口不高。乍

醒乍昏。時發時止。口噤不開。語聲不出。終屬死症。

第十三則 手法論

夫接骨入骺者。所賴其手法也。兩手安置其筋骨。仍復於舊位也。其傷有輕重。而手法有所宜。失宜。其痊可之遲速。及遺留之殘疾。皆關乎手法之所施也。人身有十二經筋。脈羅列。必知其體。識其部位。機觸於外。巧生於內。手隨心轉。法從手出。或拽之離而復合。或推之就而復位。或正其斜。或完其闕。或骨有截斷。

碎斷斜斷。筋有全脫半脫。筋有弛縱卷攣。翻轉離合。在其肉內。以手捫之。自悉其情。法之所施。不知其苦。方爲手法也。傷有關性命者。如七竅上通腦髓。鬲近心君。四末受傷。痛苦人心。若元氣素壯。敗血易消。刻期可愈。元氣素弱。一旦被傷。勢必難支。若手法再誤。萬難挽回。尤當慎之。醫者心明手巧。知其病情。善用手法治之。多效。若草率不較。悞人非淺。雖筆之於書。乃活法多端。難以盡述。須得口傳心授。臨症多而活法變。庶無悞耳。

第十四則 顛子骨附胸脇

顛子骨。經名柱骨。橫臥於兩肩前。缺盆之外。其兩端
外接肩解。或擊打偏墜傷斷者。用法先按胸骨。將
肩端向內合之。揉摩斷骨合其復位。用帶掛肩於頂。
勿使搖動。服接骨紫金丹。外敷定痛散。貼萬靈膏。可
愈。胸骨卽謁肝骨。一名膺骨。又名臆骨。俗名胸膛。其
兩腋下至肋骨盡處名脇。脅下小肋名季脇。俗名軟
肋。統脇肋之總名曰肱。岐骨者。卽兩臑骨端相接之
處。下卽鳩尾骨也。蔽心骨卽鳩尾骨也。其質係脆骨。

在胸下岐骨之間。鳧骨者。卽胸下邊肋也。傷者從前面撞打跌仆者重。從後面來者輕。用手法按摩之。如肋骨斷者。用布纏縛救轉。服接骨紫金丹。外用定痛散敷之。貼萬靈膏。若內蓄瘀血腫痛。偃僕難仰者。服紫金丹。或大便實者。參黃散下之。若受傷日久。胸骨高起。肌肉削瘦。內有邪熱瘀血。痞氣膨悶。睛藍體倦。痰喘咳嗽者。服紫金丹。若傷重。內干胸中心肺兩臟之氣。昏迷目閉。嘔吐血水。呃逆戰慄者。危在旦夕。不治。心坎上橫骨。又名人字骨。從下而上。若第一節傷。

者。一年死。第二節傷者。二年死。第三節傷者。三年死。此穴內應乎肺。傷必吐血咳嗽。凡胸前背後重傷。久則成痰火勞怯。左乳傷發咳嗽。右乳傷發呃逆。凡胸脇諸傷。黎洞丸三黃寶臘丸皆可酌用之。再服理肺之劑以收功。

第十五則 背脊骨傷

背者。自後身大椎骨以下。腰以上之通稱也。一名脊骨。一名脊骨。俗呼脊樑骨。其形一條居中。共二十一節。下盡尻骨之端。上載兩肩。內繫藏府。其兩旁諸骨。附接橫疊而彎。合於前則爲胸脇也。腰骨者。卽脊骨之十四椎十五椎十六椎也。尾骶骨。卽尻骨也。其形上寬下窄。上承腰脊諸骨。兩旁各有四孔。名曰八膠。其末節名曰尾間。一名骶端。一名擲骨。一名窮骨。俗名尾樁也。或跌打傷者。痧厥疑結。脊筋隴起。當先柔

筋合其和軟。內服紫金丹。數定痛散。燒紅鉄烙熨之。貼混元膏。若骨縫疊出。俯仰不能。疼痛難忍。腰筋僵硬。使患者兩手攀索。兩足踏軛上。每足下疊軛三塊。踏定。將後腰拿住。各抽去軛一塊。令病人直身。又各去一塊。如是者三。其足著地。使氣舒瘀散。陷者能起。曲者可直。再將腰柱裏住。緊緊縛之。勿令窒碍。但宜仰臥。不可側睡。脊骨正而患除。服接骨紫金丹。如胸陷不直者。亦用此法。或氣門傷。則氣塞不通。口噤反張。身強如死。過不得三個時辰。若氣從大便出者。立

斃。凡遇此症。不可慌張。候其氣息有無。如無氣者。爲倒插拳所傷。令患人盤坐。揪其髮。伏我膝上。敲擊其背心。使氣從口出得甦。服黎洞丸。尾間若蹲墊壅腫。必連腰胯。服黎洞丸。再服接骨紫金丹。貼萬靈膏。踢傷海底穴。血必上冲。當時耳內响聲大震。人必昏暈。先服護心丸。再服紫金丹。

第十六則 接骨論治

接骨者。使已斷之骨。合攏一處。復歸於舊位也。凡骨之斷而兩分。或折而陷下。或破而殼亂。或岐而傍突。相其形勢。徐徐接之。使斷者復續。陷者復起。碎者復完。突者復平。皆賴乎手法也。或皮肉不破者。骨若全斷。動則軋軋有聲。如骨損未斷。動則無聲。或有零星敗骨在內。動則淅淅之聲。後必潰爛流膿。其骨已無生氣。脫離肌肉。其色必黑。小如米粒。大若指頭。若不摘去。潰爛經年。急宜去淨。如其骨尙未離肉。不可生

割。恐傷其筋。俟其爛脫。然後去之。治法先用代痛散煎湯薰洗。將其斷骨拔直相對。按摩平正如舊。先用布條縛緊。又將糕匣木板修圓挪之。又將布條纏縛。再將杉離環抱外邊。取其緊勁挺直。使骨縫無離綻。脫走之患。內服接骨紫金丹。兼調理用地黃湯。四五日後。放挪復看。如其走失。仍照前法。二三月間換挪數次。百日可痊。凡人斷臂與斷膊。斷腿與斷前。挪法相同。治分上下。或用器具與形體相得。隨機變化可也。或筋斷者難續。蓋筋因柔軟。全斷則縮於肉裏。無

用巧之處也。若斷而未全。宜用續筋藥敷之。內服壯筋養血湯可愈。

第十七則 脫下頰附失頸

下頰者。卽牙車相交之骨也。若脫則飲食言語不便。由腎虛所致。其骹曲如環形。與上頰合鉗。最難上也。先用寬筋散煎湯薰洗。次用布條裹醫者二母指入。

口餘指抵住下頰。捺下推進。其筋有响聲。齒能合者。上也。服補腎壯筋湯。夫人之筋賴氣血充養。寒則筋攣。熱則筋縱。筋失營養。伸舒不便。感冒風寒。以患失頭。頭不能轉。使患人低坐。用按摩法頻頻揉摩。一手按其頭。一手扳其下頰。緩緩伸舒。令其正直。服疏風養血湯可也。

第十八則 髑骨骺失

髑骨者。肩端之骨。卽肩胛骨也。其曰含納髑骨上端。其處名肩解。卽肩骹與髑骨合縫處也。俗名吞口。一名肩頭。其下附於脊骨。成片如翅者。其骹若脫。手不能舉。使患人低坐。一人抱住其身。將手拔直。用推拿法。酌其重輕。待其筋舒。一手捏其肩。抵住骹頭。齊力拔出。骹內有响聲者。乃復其位矣。用布帶落其跨下。服舒筋活血湯。凡上骹時。骹內必有响聲活動。其骹已上。若無响聲活動者。其骹未上也。不可悞人。

第十九則 曲肱節

肘骨者。肱膊中節。上下支骨交接處也。俗名鸞鼻骨。上接臑骨。其節名曲肱。自肘至腕。有正輔二根。其在下而形體長。大連肘尖者爲臂骨。其在上而形體短。細者爲轉骨。疊並相倚。下接於腕骨。其節若出一手。捏住節頭。一手拿其脉窩。先令直。拔下。節內有聲响。將手曲轉。搭着肩頭。肘骨合縫。其節上矣。服生血補髓湯。或紫金丹。

第二十則 手腕跣

腕骨卽掌骨。乃五指之本節也。俗名虎骨。其大小六枚。湊以成掌。非塊然一骨也。其並接臂輔兩骨之端。其外側高骨。俗名龍骨。能宛屈上下。故名腕。若手掌著地。只能傷腕。若手指着地。其指翻貼於臂者。腕縫必開。壅腫疼痛。先兩手揉摩其腕。一手按住其跣。一手拔其指掌。掬轉有聲。活動其跣。復位。仍按摩其筋。必令調順。然命脈之所。服寬筋散。須防着寒。得免酸疼之患。凡人手指有三節。其跣突出者。俱可拔直捏。

正。屈伸活動。服和營止痛湯。其法相同。不必逐節論也。

第二十一則 髻髌骨

髻骨卽髻骨也。又名髻骨。其外向之凹。其形似臼。以納髻骨之上端如杵者也。名曰機。又名髻樞。卽環跳穴處也。俗呼髻髌。若出之則難上。因其髻大肉厚。手捏不住故也。必得力大者三四人。使患側卧。一人抱

住其身。一人捏膝上拔下。一手擎其骹頭迭進。一手將大膀曲轉。使膝近其腹。再令舒直。其骹有响聲者已上。再將所翻之筋向前歸之。服生血補髓湯。再服加味健步虎潛丸。若骹不上。則醫努斜行。終身之患也。慎之。

第二十二則 大捷骨膝蓋骨

大捷骨名髌骨。上端如杵。入於髌樞之曰。下端如鎚。接於胫骨。統名曰股。乃下身兩大支之通稱也。俗名大腿骨。其下有膝蓋骨。卽連骸。又名臏骨。形圓而扁。覆於捷桁。上下兩骨之端。本活動物也。內面之筋。上過大腿至兩脇。下過胫骨至足背。內經曰。膝乃筋之府。若傷之。上連腰屈疼痛。下移胫骨。焮腫。或足腹冷硬。步履斜行。或膀子重傷。後成黃病。服紫金丹。再茵陳等湯。治黃病之藥。收功。若膝蓋離位。向外側者。則

內筋腫脹。向內側者則筋直。腫脹。須詳視其骨如何斜錯。按法推拿以復其位。服補筋湯。其骨出者。一手按住其膝。一手扼住其膀。上下拔直。將膝曲轉。抵着脉寸。其骨有聲者上也。服生血補髓湯。若膝蓋骨破兩寸者。用絲苙籐作箍。布條縛之。生線四根。如抱膝圖法。將手擠圓箍。定其骨膀下縛住。屈臥月餘。服接骨紫金丹。若箍後仍兩寸。一生跛足。不可治矣。

第二十三則 胫骨脚踝跗骨

胫骨卽膝下踝上下腿骨也。俗名臙脛骨。其形二根。在前名成骨。其形粗。在後名輔骨。其形細。俗名勞堂骨。下至踝骨。胫骨之下。足跗之上。兩旁突出之高骨也。在內名內踝。俗名合骨。在外爲外踝。俗名核骨。其骹出者。一手擡住其脚踝骨。一手扳住脚後根。拔直。撥筋正骨。令其復位。其骹有聲。轉動如故。再用布帶縛之。木板夾定。服舒筋活血湯。一二日後解開視之。倘有未平。再用手法按摩其筋結之處。必令端直。再

服健步虎潛丸。稍愈後。若遠行勞動。致筋骨之端復走向裏歪者。則內踝突出腫大。向外歪者。則外踝突出腫大。瘀聚凝結。步履無力。頗費調治。必待氣血通暢。始可行動。若腳趾骹失。與手指同法治之。跗者。足背也。一名足趺。俗稱脚面。其骨乃足趾本節之骨也。其受傷不一。輕者僅傷筋肉。易治。重則骨縫參差。難治。先以手輕輕搓摩。令其骨合筋舒。洗入仙逍遙湯。貼萬靈膏。內服健步虎潛丸及補筋丸可也。

第二十四則 受傷着寒及懷孕而傷

凡人跌撲鬪毆。內傷其血。復輕生投水。外着於寒。血得寒而凝結。寒得血而入深。未有能生者也。治法先祛其寒。繼逐其瘀。祛寒用麻桂溫經湯。逐瘀投紫金丹。若遲延日久。則氣滯血凝。筋脈拘緊。手足攣拳。必致不治。急服大神效活絡丹。冀其漸漸疏通。或可挽回。若婦人懷孕受傷。不可妄投傷藥。恐損胎元。反爲不美。宜服安胎和氣飲。稍加祛瘀生新之劑。使氣血和而痛自止矣。

第二十五則 受傷感痧論

凡受不甚重傷。越四五日。腹中絞痛。胸悶嘔惡。或四肢麻木。或骨節疼痛。脈象或浮或伏。與症不合。指甲紫。兩腿灣有青筋。必是痧穢之毒。宜刮宜放。宜先服散痧之藥。不可服傷藥。與姜酒熱湯等物。若犯之。則禍不旋踵矣。治法。吹人馬平安散。吃蟾酥丸。又服再造紫金丹。俟痧退後。再投祛瘀生新之藥。始無妨碍。又有傷症兼疫症者。先治其疫。而後治傷。庶可兩痊。于臨症時常遇之。故特補出。

放痧穴道歌

歌

放痧有的穴 百會印堂尋 兩太陽當刺

喉旁雙下針 舌根旁點破 兩乳必須針

十指尖頭放 曲肱左右分 趾頭雙足取

曰

腿灣刺青筋 忌服姜湯酒 還須治絕根

第二十六則 損傷出血吐血

傷損之症。或患處。或諸竅。出血者。此肝火熾盛。血熱錯經。妄行也。用加味逍遙散。中氣虛弱。血無所附而妄行。加味四君子湯。中氣下陷。補中益氣湯。元氣內脫。用獨參湯。加炮薑附子。血蘊於內而嘔血者。四物湯。加柴芩。煩勞太過。或惱怒氣逆。或過服寒毒等藥。致傷陽絡。則吐血。衄血。便血。傷陰絡。則血積血塊。肌肉青黑。臟腑虧損。經隧失職。急補脾肺二臟。自愈。或嘔吐黑血者。因打撲傷損。敗血流入胃腕。色如豆汁。

從嘔而出。形實者。用百合散。形虛者。加味芎歸湯。或
出血過多。脈洪大而虛。重按全無。血虛發熱。用當歸
補血湯。脈細沉微。按之輕弱。此陰盛發熱。四君子湯
加薑附。或筋傷肉瞶。此亡血也。用聖愈湯。發熱汗出
不止者。血脫也。用獨參湯。凡血脫之症。脈實者難治。
脈虛者可療也。

第二十七則 胸腹脇肋痛悶

傷損之症。胸腹痛悶。因跳躍槌胸。因挫舉重勞慾。恚怒所致。喜手摸者。肝火傷脾。用四君子湯加柴胡山梔。如畏摸者。肝經血滯也。用四物湯加柴胡山梔桃仁紅花。若胸脇悶痛。日晡發熱。肝經傷也。用加味道遙散。若胸腹悶痛。飲食少思。肝脾氣俱傷也。用四君子湯加芎歸柴梔丹皮。若胸腹不利。食少無寐。脾氣鬱結也。用加味歸脾湯。若脇肋脹痛。大便通和。喘咳吐痰。肝火侮肺也。用小柴胡湯加青皮山梔。若胸腹脹

痛。大便不通。喘咳吐血者。乃血瘀停滯。用當歸導滯散。內經云。肝藏血。脾統血。蓋肝屬木。木勝侮土。脾氣必虛。宜清肝養血。次壯脾胃。則氣血充盛。若妄行針伐。虛者益虛。滯者益滯。禍不旋踵矣。

第二十八則 腹痛腰痛

傷損腹痛。大便不通。按之痛甚。瘀血內蓄。用加味承氣湯。既下而痛不止。按之仍痛者。瘀未盡也。用加味四物湯補而行之。若腹痛按之不痛者。血氣傷也。四物湯加參耆白朮補而和之。下而胸脇反痛。肝血傷也。用四君湯加芎歸。既下發熱。陰血傷也。四物湯加參朮。下後惡寒發熱者。氣血傷也。八珍湯。下後嘔吐者。胃氣傷也。六君子湯加當歸。下後泄瀉不止者。六君子湯加肉果補骨脂。下後手足俱冷。昏憤汗出者。

陽氣虛寒也。用參附湯。若吐瀉手足俱冷。指甲青黑。脾腎虛寒甚也。急用大劑參附湯。口噤手撒。遺尿痰盛。唇青體冷者。虛極壞症也。大劑參附湯以圖僥倖。或少腹引陰莖作痛者。乃瘀血不行。肝經火鬱所致。用小柴胡湯加大黃黃連山梔。待其痛勢已定。再宜養血。若悞認寒症。投以熱藥。重則必危。輕則損目。若腰痛脊痛。因瘀血留太陽經所致。服地龍散治之。

第二十九則 杖瘡夾棍傷

凡人受杖後。腿必蓄瘀紫黑。甚則氣瘀攻心而死。速服護心丸。或以酒冲童便服之亦可。外用熱豆腐塗於患上。其氣如蒸。其腐卽紫。再易色淡。以此爲度。或用葱熨法。熨散其瘀亦可。或用鳳仙花連根葉搗爛塗之。乾則易換。或用真綠荳粉微炒。鷄子清調敷。或用白蘿蔔搗爛卷之。或用大黃末童便調塗。又法用銀針刺去其毒血。敷生肌散。蓋玉紅膏。內服化瘀散。若杖後隔四五日。腫痛潰爛流膿。用甘葱煎洗淨。搽

生肌散。蓋玉紅膏。逐日洗換。服理氣養營之劑調治。凡人受夾棍之後。一出衙門。卽用熱童便一盆。將足浸之。如便冷。燒紅磚二塊。焯之。卽熱浸至童便面上。浮起白油面者。其傷始出。後不潰爛。再用肥皂搗如泥。入鷄子清和勻。塗患處。紮緊一夜。或用何首烏搗。罨亦可。內服逐瘀定痛散。另服定痛活血湯。倘損筋骨。再投接骨紫金丹。可無患矣。

第三十則 藥箭傷

有交廣蠻夷。用燠銅作箭鏃。甚毒。人若中之。纔傷皮肉。便悶膿沸爛而死。急飲金汁。外亦金汁抹之。若金汁一時不得。卽灌人糞汁。竝外敷之。非此不能解毒也。又一種毒藥。喂箭。名爲射齒。人若中之。甚毒。急用葛氏方。用藍靛汁一碗。飲之外。亦用塗抹傷處。一法用大豆猪羊血。內服外敷。解毒亦效。又法須防毒氣攻心。急投護心丹。傷口卽將麻油灌之。用黃連管仲煎湯洗去毒氣。敷花藥石散。又蓋玉紅膏。防護風邪。

若箭頭入骨。不可拔者。用蠅螂乳香等分。射香少許。爲末敷上。微痒可拔。或蠅螂巴豆敷之。候極痒可以拔出。人尿洗之。或黃連管仲湯洗之。敷花蓋石散。貼陀僧膏。又有鐵珠入肉。敷碣鉄散。或割開皮。用筆管撲之。撲則珠入管內而出。又有鉛彈入肉。以水銀灌入傷處。其鉛卽化。隨水銀而出。用麻油洗淨。蓋玉紅膏收功。

第三十一則 諸咬傷

凡被人咬傷。或臂或指。痛不可忍。若久則爛脫指節。或病人咬者。毒氣攻心而死。先投護心丹。外治用熱尿洗去牙黃瘀毒。以蟾酥丸塗孔中。或嚼生白果塗之。如痛極。用蒜油紙燃火焰薰之。或急用人尿入瓶內。將手指浸之一夕。貼玉紅膏可愈。凡犬咬傷者。初咬之時。須忍痛。以河水捏淨血水爲主。用生虎骨刮末。擦咬處可愈。或刮肉店墩板上油膩。拌砂糖敷之亦可。若潰爛流膿。用木鱉子煎湯洗淨。搽生肌散。

蓋玉紅膏收功。瘋犬咬傷。犬因五臟受毒而成瘋。犬故經其齧必致傷人。九疔一生之證也。初被咬時。急就咬處刺出毒血。以口含漿水吮洗傷處。或以拔法拔之。或以人尿淋洗拭乾。卽以核桃半邊之殼以人糞填滿。罨在患處。上着艾火灸之。殼焦糞乾再易。灸至百壯。以玉真散吐津調敷。次日再灸。漸灸至三百壯爲度。於初灸時。卽服扶危散。逐惡物血片。從小便中出。若毒物血片填塞莖中。致小水澀滯。痛而如淋者。卽服琥珀碧玉散以通利之。被咬之人頂心

有紅髮一根。速當拔去。又法用荳豉研末。香油調稠。丸如彈子大。常揩拭所咬處。拍開看豉丸內。若有狗毛茸茸然。此係毒氣已出。易丸再揩。至無茸毛方止。甚効。始終禁忌。必當慎重。終身忌食狗肉。蠶蛹。赤荳。百日內忌見麻物。忌飲酒。三年內忌食一切毒物。及房事。可常食杏仁。以防其毒。若治遲。犬毒入心。煩亂腹脹。口吐白沫者。用虎頭骨。虎牙。虎脛骨爲末。酒調二錢服之。若發狂叫喚。人聲似虎聲。眼神露白者。逆終始犯禁忌者不救。若有貓咬傷者。用薄荷汁塗。

之見效。有馬咬傷者。栗子嚼爛敷之。毒氣入裏。心煩嘔悶者。用馬齒莧搗爛敷之。如潰爛者。照前法治之。熊虎狼牙爪傷人皮肉成瘡者。初宜葛根濃煎內服三鍾。外洗十數度。或煮生鐵有味洗之。又用青布急捲爲繩。燃着納竹筒中。注瘡口薰之。出毒水。次宜獨窠栗子生嚼塗瘡口。効。蛇咬傷者。卽時飲好醋一二碗。使氣不隨血走。以繩紮傷處兩頭。若昏昏困倦。宜用五靈脂五錢。雄黃二錢五分。共爲末。酒調服。少時咬處出黃水。水盡則腫消。以雄黃末搽之。口

合而愈。蜈蚣咬傷者。卽取雄鷄倒掛。少時。以手指蘸口內雞涎。抹搽傷處。其痛立止。甚者。生雞血乘熱飲之。立效。蠍螫傷。取大蝸牛一個。搗爛塗之。其痛立止。一時不得蝸牛。卽螫處擠去毒水。急用膏藥烘熱貼之。亦止。

第三十二則 湯火傷

凡湯火傷人最忌浸冷水中。恐防火毒攻心。有立斃之禍。亦不宜服冷食寒涼之物。急服護心丹。或服童便護其心。使火毒不內攻。外用無灰酒洗淨。拔其火毒。用黃連末桐油調敷。或猪毛煨存性研末。加輕粉。礪砂麻油調敷。或鷄子清調大黃末敷之。或蚌粉摻之。內服玄妙散解毒可也。若花砲火藥烘燎者。治法相同。

第三十三則 救自縊法

凡自縊者。不可割斷其繩。一人抱起。解結放下。置平坦處仰臥。一人坐於頭前。將兩腳踏其肩上。揪在其髮。要用力拔緊。不可使其頭垂下。一人用二指捏正其喉腕。凡縊則喉腕必扁。故氣不得通耳。所以先正其腕。後吹通關。散於兩鼻孔內。得嚏則生。二人用蘆管吹其兩耳。不可住口。再得一人以手撫摸其胸腹。二人將其手足屈伸活動。待一個時辰。呼吸之氣出入。其人必甦。卽磨再造紫金丹。灌其口內服之。若依

此法無不活者。卽身雖僵冷。亦可救也。

第三十四則 救溺水

凡人溺水者。撈起之時。急撬開其口。橫腳竹筴一隻。使可出水。將通關散吹其鼻內。或生半夏末亦可。再用筆管吹兩耳。又將皂角末置管中吹其穀道。如夏月。將溺人腹橫覆牛背上。兩邊使人扶住。牽牛緩緩行動。腹中之水從口并大便流出。將生姜湯化蘇合

丸灌之。如無牛。以有力之人。躬腰將溺人。如背上。微微動搖。水亦可出。或用鍋覆於地上。腹覆於鍋底亦可。如冬月。急將濕衣解脫。再鹽炒熱布包熨臍。或將被褥鋪地。用灶內熱褥上。將溺人覆臥。其肚下墊綿枕一個。再將身蓋之。再用綿被蓋之。不可使灰迷其眼。口水甦醒後。宜服姜湯熱酒。按灰性最能拔水。時尙有微氣。胸前溫暖。令速脫濕衣。換乾服。足擔人肩上。將溺人背貼於人背。擔走。吐水。

第三十五則 運燻灸倒四法及
灸臍化痞法附

外用運燻灸倒四法。宿傷可用。新傷不可用。新傷者。血未歸經。恐其瘀血攻心之患也。運法。凡最輕之傷。先用瓜皮殼。次用麥麩一升。胡葱一把。酒藥十九。醋炒香附一升。同入鍋內炒熱。以社醋烹之。蓋片時。乘熱布包。運動患處。冷卽換易。待其患處汗出如油可也。燻法。凡宿傷在皮裏膜外。雖服行藥。不能除根。服瓜皮殼。次用落得打。草陳小麥艾葉三味。用河水共煎一鍋。滾透。人小口缸內。橫板一塊。患人坐板上。再

將單被蓋身。其汗立至。不可閉開。恐汗卽止。病根不
清也。灸法。或瘀血在骨節中。恐其發毒。先服瓜皮
散。用生炭燒紅地皮。社醋烹之。再將稻草攤上。單被
爲蓆。使患人卧上。厚被蓋暖。使其汗出如雨。服勝金
散而安。若氣虛之體。不可用此。凡倒法。病人不能
言。不能食。無法可治。不得已。要使惡物吐之。先服硫
射散。將患人卧被上。每邊兩人。牽被倒動。使人滾轉
反側。吐出惡物。服蝨虫散。再調理可愈。灸臍法。若
膀胱傷。小便秘結。可用田螺射香揚爛。先置臍中。再

將飛鹽蓋臍上。如銅錢厚薄。鹽上用艾火灸二三壯。卽通。去射可也。化痞熨法。凡人蓄血成痞。或在脇內。或在腹中。服藥難消。用飛麵量痞之大小。四圍作圈。使惡物無從逃避。圈內置朴硝滿圈。恐其側邊卸落。以脚條縛之。又襯紙二三十重。將熨斗盛火熨之。俟患處有响聲。乃病消之驗。斯運燠灸倒之法。恐患人不善服藥。不得已而用之。亦不可輕使。若元氣虛弱人。用之太過。必致氣促厥逆之虞。醫者慎之。

第三十六則 應刺諸穴

素問繆刺論曰。人有所墜墜。惡血留內。腹中滿脹。不得前後。先飲利藥。此上傷厥陰之脈。下傷少陰之絡。刺足內踝下然谷之前。血脈出血。刺足跗上動脈。不已。刺三毛各一痛。見血立已。左刺右。右刺左。靈樞經寒熱病論篇曰。身有所傷。血出多。及中風寒。若有所墜墜。四支懈惰不收。名曰體惰。取其小腹臍下三結交。三結交者。陽明太陰也。臍下三寸關元也。靈樞經厥病論曰。頭痛不可取於膺者。有所擊墜。惡血

在內傷痛未已。可側刺。不可遠取也。靈樞經邪氣

臟腑病形篇曰。有所墜墜。惡血在內。有所大怒。氣上而不下。積於脇下。則傷肝。法當先熯怒氣。勿積於肝。則肝可以無傷。然後飲以利藥。以破惡血。則脇下無留血矣。又曰。有所擊朴。若醉入房。汗出當風。則傷脾。素問脈要精微論曰。肝脈搏堅而長。色不青。當病墜。若因血在脇下。令人喘逆。金匱要畧曰。寸口脈浮微而澁。然當亡血。若汗出。設不汗出者。其身有瘡。被力斧所傷。亡血故也。又論曰。肝脈搏堅而色不變。

必有擊墮之事。因膈肉擊傷。故惡血必留。嘔逆。依經鍼刺。然谷足跗。或三毛等穴。出藥。使惡血開行。當自愈也。若脉浮微而瀉。過多。依經於三結交關元穴灸之。或飲大劑而調之。則病已矣。

傷科補要卷二

一五六

傷科補要

諸方目錄

止血黑絨絮

如聖金刀散

玉紅膏

陀僧膏

三黃寶蠟丸

黎洞丸

八珍湯

甘葱煎

金鎗鐵扇散

和營養衛湯

羌活湯

承氣湯

柴胡湯

犀角地黃湯

桃仁承氣湯

抵當湯

四物湯

復元通氣散

參黃散

復元活血湯

紫金丹

祛傷散

通關散

奪命丹

開牙散

接骨紫金丹

萬靈膏

定痛散

混元膏

八厘散

散瘀和傷湯

蘇子桃仁湯

導氣通瘀錠

補氣養血湯

疎風養血湯

生肌散

止血定痛散

人參紫金丹

收珠散

還睛湯

明目地黄湯

健脾養胃湯

止痛生肌散

八仙逍遙湯

大神效活絡丹

麻仁丸

收膜散

舒腸活血湯

玉真散

代痛散

地黃湯

壯筋養血湯

寬筋散

補腎壯筋湯

舒筋活血湯

生血補髓湯

和營止痛湯

健步虎潛丸

補筋湯

補筋丸

麻桂溫經湯

安胎和氣飲

人馬平安散

蟾酥丸

再造紫金丹

加味逍遙散

四君子湯

補中益氣湯

百合散

加味芎歸湯

當歸補血湯 附古

聖愈湯

加味歸脾湯

當歸導滯散

加味承氣湯

地龍散

護心丸

化瘀散

逐瘀定痛散

定痛和血湯

花蕊石散

礞鐵散

扶危散

琥珀碧玉散

玄妙飲

蘇合丸

傷科補要卷三方目

瓜皮散

勝金散

硫射散

蝨蟲散

傷科補要卷之三

上海錢秀昌松溪氏編輯

男 丹書杏園

婿何錦華鶴汀 仝較

湯頭歌括

止血黑絨絮

歌 止血先將黑絮封

元參茜草寄奴同

曰 大黃芩柏烏梅等

五倍綠礬京墨濃

百草霜研入社醋

旱蓮搗汁馬蘭沖

煎來收得真元色

血沸逢之立斷紅

治初傷時血流不止。將絮封上。其血立止。

元參

茜草

寄奴

大黃

黃芩

黃栢

烏梅

五蟾

以上等分。煎三次。去渣留淨汁再用。

旱蓮汁

馬蘭汁

皂礬

京墨

百草霜

同煎濃。用好綿絮收乾。二汁與社醋

同煎。滾時入礬墨草霜。將絮收之。

如聖金刀散

歌

如聖金刀用二礬

生枯二味煉為散。

日 松香三共研成末 止血兼收膿水朝

治金瘡出血不止。或潰爛流膿。撒於患處。能止血

燥濕。

松香 七兩

生礬

枯礬 各兩錢

共研為極細

末。磁確收貯。

玉紅膏

歌 玉紅紫草共生甘 歸地象皮并合歡

日 乳沒麻油加血竭 煎收須用白黃占

治一切瘡口。能止痛生肌長肉。

紫草 二兩

全歸 三兩

生地 鬲

象皮 三兩

乳香 二兩

沒藥 二兩

甘草 錢

合歡皮 三兩

右藥用麻油筋半。煎枯去渣。再入

黃占 四兩

白占 三兩

血竭 錢

以上共煎至滴水不化。成膏聽用。

陀僧膏

歌

陀僧膏貼惡諸瘡

流注癭瘤跌撲傷

日

赤芍陀僧歸乳沒

苦參銀朮赤脂良

桐香油共兒茶竭

百草霜破錫大黃

此膏專貼諸般惡瘡。流注。癰癤。跌撲損破。金刃悞傷等證用之。

南陀僧 三兩 研末

赤芍 二兩

全當歸 二兩

乳香 五錢 去油研

沒藥 五錢 去油研

赤石脂 二兩 研

苦參 四兩

銀黝 二兩

百草霜 二兩 筋研

桐油 二筋

香油 一筋

血竭 五錢 研

孩兒茶 五錢 研

川大黃 半筋

右藥先將赤芍當歸苦參大黃入油內燻枯。熬至滴水不散。再下陀僧末。用槐柳枝攪至滴水將欲成珠。將百草霜細細篩入攪均。再將羣藥及銀黝

篩入攪極勻。傾入水盆內。衆手扯干餘下。再收入磁盆內。常以水浸之。

三黃寶蠟丸

歌

三黃寶蠟古來傳

天竺旃雄劉寄全

曰

歸尾兒茶麒麟竭

水銀水粉共爲研

硃砂琥珀同元射

乳戟調和化蠟丸

跌打諸傷皆可服

力傷成怯亦能痊

耑治一切跌打損傷及破傷風。並傷力成癆。女人產後惡露不盡。致生怪證。瘀血奔心。痰迷心竅。危

在旦夕。重者一錢。輕者三分。用無灰酒送下。立刻全生。如被鳥鎗打傷。鉛子在內。危在傾刻。服一錢吃酒數杯。睡一時。汗出即愈。如敷將香油熱化少許。鷄翎掃患處。服藥後忌涼水。生冷燒酒三日。不忌此酒。則藥無功。

天竺黃 三兩

雄黃 二兩

藤黃 四兩 隔湯煮數次去沫

紅芽大戟 三兩 膏

劉寄奴

騏驎竭 各三兩

歸尾 一兩五錢

硃砂

兒茶

乳香 去油

琥珀

輕粉

水銀 同輕粉研 覓星

麝香 各三錢

以上各稱足分兩。各研爲末。如無真天竺黃。以真膽星三兩代之。再用好黃蠟二十四兩鍊淨。滾湯生定。將藥投入。不住手攪勻。取出裝磁罐內備用。

黎洞丸

歌

黎洞丸中牛射冰

雄黃天竺大黃藤

曰

兒茶血竭參三七

阿魏還同乳沒稱

治跌打損傷。瘀血奔心。昏暈不省。及一切無名腫毒。昏困欲死等證。

京牛黃

冰片

麝香 各三錢五分

阿魏

雄黃 各二兩

大黃

兒茶

三七

天竺黃

瓜兒血竭

乳香

沒藥 各二兩 去油

藤黃

二兩隔湯煮十數滾。去滓。甬山羊血五錢拌晒。如無山羊血。以羊血代。

以上十三味共為細末。將藤黃化開為丸。如芡

實大。若乾稍加白蜜。外用蠟皮封固。內服用無

灰酒送下。外敷用茶油磨稠。粘塗之。忌一切生

冷發物。

八珍湯

歌

入珍四物四君勻

地芍芎歸治血真

曰

參朮苓甘能補氣

調和營衛有奇勳

治失血過多之後氣血兩虧。服此以調營衛。

生地

當歸

白芍

川芎

人參

白朮

茯苓

甘草

以上俱以河水煎服。分兩隨症輕重。

甘葱煎

歌

甘葱二味煮成湯

溫洗諸般膿水瘡

曰

換貼膏時先淨洗

庶無穢氣藥相當

治諸瘡有膿水者。洗淨用藥。

甘草

大胡葱

以上二味煎濃湯。候温可洗患處。

金鎗鐵扇散

歌

金鎗鐵扇散

松栢降材香

曰

乳沒明礬共

象皮和末鑲

治破傷流血及潰爛。收濕拔毒生肌。

乳香 二兩

沒藥 二兩

明礬 一兩

松香 一兩

降香 二兩

象皮 二兩

老材香 二兩
即降香
黃栢 二兩

右藥共爲極細末。磁瓶收貯。

和營養衛湯

歌

和營養衛用參芪

歸芍防風及桂枝

曰

芩朮陳甘加薑棗

血虛之症服斯宜

此方氣血並補。調理之劑。

人參

黃芪

當歸

白芍

白朮

防風

雲苓

桂枝

陳皮

甘草

加姜棗煎服。

羌活湯

歌

羌活防風湯

甘芎藭本當

曰

細辛榆白芎

在表服之康

治破傷風。邪在太陽經等症。

羌活

防風

細辛

藭本

白芎

川芎

當歸

地榆

甘草

加生薑黑棗煎服。

承氣湯

歌

承氣朴芩硝

大黃枳實邀

曰

救陰并瀉熱

急下獨功超

治陽明症燥實。便閉不通。

大黃

芩硝

厚朴

枳實

用水煎服。

柴胡湯

歌

柴胡湯解表

甘草與人參

曰

半夏黃芩共

煎加姜棗吞

治少陽半表半裏之症。

柴胡

人參

半夏

黃芩

甘草

加姜棗煎服。古方用人參。如力艱者。可以黨參代之。

犀角地黃湯

歌

犀角地黃芍藥丹

血升胃熱火邪干

曰

斑黃陽毒皆堪治

或益柴芩總伐肝

治上焦蓄血。胃火上冲而吐。及斑黃陽毒等症。

生地

白芍

丹皮

犀角

河水煎服。

桃仁承氣湯

歌

桃仁承氣五般奇

甘草硝黃併桂枝

曰

熱結膀胱小腹脹

如狂畜血最相宜

治中焦蓄血。小腹滿如狂等症。

桃仁

去皮
尖研

大黃

芒硝

桂枝

甘草

以上河水煎服。

抵當湯

歌 抵當水蛭及蝨蟲 桃核將軍猛烈雄

曰 蓄瘀逢之頃刻化 虛人體弱莫輕攻

治下焦蓄瘀不解。服此能散瘀。若體弱之人忌服。
宜四物加味可也。

水蛭 蝨蟲 桃仁 大黃

用河水煎服。先去渣溫服。如不下再服二煎。

四物湯

歌 四物地芍與歸芎 血家百病此方通

曰 八珍合入四君子 氣血雙療功獨崇

養血通用之劑。

生地

當歸

白芍

川芎

以河水煎服。

復元通氣散

歌

復元通氣木茴香

山甲青陳貝

曰

白芷漏蘆甘草共

痰消氣暢不

治氣滯不舒。痰結作痛。

木香

茴香

川由甲

青皮

陳皮

白芷

貝母

漏蘆

水調服。

參黃散

歌

參黃三七大黃君

朴實桃仁歸尾臣

曰

赤芍紅花山甲片

鬱金胡索桂甘青

柴胡引用為佐使

實體初傷用酒斟

治體實重傷。逐瘀下降疏通之要藥。

參山七 二兩

大黃 四兩

厚朴 二兩

枳實 一兩

桃仁 三兩

歸尾 三兩

赤芍 二兩五錢

紅花 五錢

穿山甲 五錢

鬱金 二兩

胡索 二兩

肉桂 五錢

柴胡 錢

甘草 錢

青皮 二兩

共為細末。酒調送下。

復元活血湯

歌

復元活血湯柴胡

花粉當歸山甲俱

曰

桃核紅花大黃草

損傷瘀血酒煎祛

治損傷積血。能祛瘀生新。

柴胡

花粉

當歸

山甲

桃仁

紅花

大黃

甘草

用陳酒煎服。

紫金丹

歌 紫金沒藥自然銅 血竭川烏土狗同

曰 蘇粉降香松節末 乳香龍骨助成功

消瘀止痛。能去骨節經絡之宿傷。

沒藥 一兩 血竭 五錢 降香 一兩 自然銅 二兩

乳香 一兩 松節 一兩 蘇木 一兩 川烏 一兩

土狗 一兩 龍骨 五錢
即蜂結

共為極細末。糯米粥湯搗和為丸。硃砂為衣。

祛傷散

歌

祛傷散輔配均加

續桂全歸兼五茄

曰

羌獨芎牛堪作使

細辛烏藥及紅花

二烏製入兼甘草

經絡之傷酒服佳

能通經活絡。散寒去瘀。疏散之藥。

川斷 一兩五錢

全歸 二兩

羌活 二兩

獨活 二兩

茄皮 一兩五錢

川芎 五錢

牛膝 二兩

肉桂 五錢

草烏 五錢

細辛 四錢

烏藥 二兩

紅花 五錢

川烏 五錢

甘草 五錢

共為細末。熱酒冲服。

通關散

歌

通關散皂末

白芷細辛研

曰

冰射蟾酥及

吹鼻得嚏痊

吹鼻中取嚏。通經之要藥。

牙皂 五錢

白芷 三錢

細辛 三錢

冰片 二分

射香 二分

蟾酥 五分

共為極細末。收入磁瓶內用。

奪命丹

歌

奪命丹中地鱉虫

兒茶乳没自然銅

曰 紅花歸尾桃仁竭 碎補將軍硃射紅

治一切重傷險症。臟腑蓄瘀危急之候。服之能通

關竅。

歸尾 三兩

桃仁 三兩

血竭 五錢

地鱉虫 二兩

兒茶 五錢

乳香 二兩

沒藥 二兩

自然銅 二兩

紅花 五錢

大黃 三兩

硃砂 五錢

骨碎補 二兩

射香 五錢

共為細末。用黃明膠熟化為丸。硃砂為衣。每用

一丸。陳酒磨冲服。

開牙散

歌

開牙用烏梅

細嚼爛如泥

曰

冰射同研末

牙開藥可擠

治牙關緊閉。藥不得入。

烏梅肉

冰片

麝香

右藥將烏梅嚼爛。冰射細研。合塗牙上即開。

接骨紫金丹

歌

接骨然銅地鱉虫

地龍龍骨射香同

曰 石脂鹿角川烏引

滑石調和乳沒功

治一切骨碎損斷服之能續。

地龍 一兩

龍骨 二兩

射香 五

自然銅 三兩

川烏

一兩 姜製

滑石

四兩 水飛醋炒

地鱉虫

二兩

赤石脂

三兩 燒

乳香

一兩五錢

沒藥

一兩五錢

鹿角霜

二兩

各為極細末。用鹿角膠烱化。搗和為丸。如彈子大。硃砂為衣。陳酒化下。

萬靈膏

歌

萬靈膏共蛇床煎

透骨鶴筋二草仙

曰

赤芍紅花芎歸竭

然銅乳沒半兩錢

丁香根與茅山木 牛膝茄皮桂附川
草薺鹿茸虎脛射 秦菖夏斛木香全
治跌打損傷。消瘀散毒。舒筋活血止痛接骨如神。
兼去麻木風痰。寒濕疼痛等證。

鶴筋草

透骨草

當歸

酒

自然銅

礬

丁香根

血竭

沒藥

各二兩

川芎

八錢

赤芍

二兩

紅花

二兩

半兩錢

一枚
醋碎

川牛膝

五茄皮

石菖蒲

蒼朮

各五錢

木香

秦艽

蛇床子

肉桂

石斛

川附子

製

半夏

製

萆薢

鹿茸 各三錢

虎脛骨

一對

射香

二錢

乳香

二兩

右除血竭沒藥射香三味各研細末另包外。共二十三味。先將香油十觔微火煨浸三日。然後將羣藥入油內熬黑為度。去渣。加黃丹五觔。再熬將至滴水成珠。離火。俟少時藥溫。將血竭沒藥射香下入攪勻。取起出火氣。

定痛散

歌

定痛散龍骨

一二烏并乳沒

日 蟾酥共川椒 醋搗敷如失

以敷傷處即能止痛。但皮肉破者不用。

川烏 麤 草烏 麤 乳香 二兩 白龍 二兩

蟾酥 燒酒炸 沒藥 二兩 川椒 二兩

共為末。醋調敷患處。

混元膏

歌 混元膏用羚羊血 沒藥漏蘆白芨甘

日 梔子大黃升雄射 紅花白歛醋熬煎

治打撲損傷。骨碎筋翻。瘀血凝聚。消青紫腫痛。

羚羊血 五錢

沒藥 五錢

漏蘆 三錢

紅花 三錢

大黃 二錢

麝香 三錢

升麻 三錢

白及 五錢

生梔子 二錢

明雄黃 五錢

白歛 三錢

甘草 二錢

共為細末。用社醋熬成膏。敷於頂上。

八厘散

歌

八厘然銅半兩錢

紅花木鱉射丁全

日

乳香沒藥同蘇木

血竭調和酒服痊

治跌打損傷。接骨散瘀。

蘇木麵 一錢

乳香 三錢

沒藥 三錢

半兩錢 一錢

自然銅

紅花

血竭 三錢

射香

丁香

番木鱉 一錢
油燻

共為細末。黃酒溫服。或童便調亦可。

散瘀和傷湯

歌

散瘀和傷水醋煎

紅花木鱉共生甘

曰

葱鬚碎補生半夏

薰洗諸傷數次痊

治一切礮撞損傷。瘀血積聚。

番木鱉

油燻
毫

原紅花

生半夏

各五錢

骨碎補

甘草

各三錢

葱鬚 二兩

水五碗煎滾。入醋二兩再煎十數滾。薰洗患處。

一日數次。

加減蘇子桃仁湯

歌 蘇子桃仁湯潤腸 麥冬赤芍竹茹良

曰 紅花蘇木能消瘀 加減陳酒水煮嘗

治瘀血內聚。心經瘀熱。大腸干燥者。

蘇子 三錢

蘇木 一錢

紅花 一錢

桃仁

麥冬

橘紅 各三錢

赤芍

竹茹

當歸 各三錢

酒洗

水二鍾。煎一鍾。渣二鍾。煎八分。溫服。

導氣通痰錠

歌

通氣導痰錠

巴豆共蟹螯

曰

元射葱涎蜜

耳聾也可療

耑治耳聾之奇方。

用不去油巴豆一箇。蟹螯三箇。射香少許。以葱涎
蜂蜜和捻如麥粒形。絲棉裹置耳中。響聲如雷。勿
得驚懼。待二十一日。耳中有膿水流出。方可去錠。
奇妙無比。

補氣養血湯

歌

補氣養血湯

四君四物裏

曰

黃芪和肉桂

氣血自然康

治營衛不足。氣血兼補之劑。

人參

白朮

甘草

白茯苓

生地

當歸

白芍

川芎

黃芪

肉桂

以河水煎服。

疏風養血湯

歌

疏風養血湯

荆芥共羌防

曰

芎芩秦芎薄

紅花花粉當

治破傷失血後調養之劑。

荆芥

羌活

防風

川芎

花粉

白芎

秦芎

薄荷

紅花

當歸

用河水煎服。

生肌散

歌

生肌珠粉珀

龍骨象皮冰

曰

輕粉兒茶竭

黃連共末成

治穿潰損爛。生肌收斂。

眞珠

琥珀

龍骨

象皮

黃連

冰片

輕粉

兒茶

血竭

共研細末。磁瓶收用。

止血定痛散

歌

止血定痛用當歸

乳沒桃仁續斷墮

曰

烏藥荆防同白芍

木通甘草共陳皮

治失血傷痛難忍者用之。

當歸 二兩

乳香 一兩

沒藥 二兩

桃仁 二兩

川斷 二兩

烏藥 八錢

荆芥 五錢

防風 五錢

白芍 二兩五錢

木通 五錢

甘草 五錢

陳皮 二兩

右藥共爲細末。酒調服。

人參紫金丹

歌 人參紫金歸苓甘

碎補加皮五味全

曰 血竭丁香同沒藥

氣虛血脫服之痊

此丹提補元氣。健壯脾胃。止渴生津。增長精神。和

通筋血。被跌仆閃撞而氣虛者。最宜服之。

人參 三錢

丁香 二兩

五茄皮 二兩

甘草 八錢

茯苓 二錢

當歸 二兩
酒浸

骨碎補 二兩

血竭 二兩

五味子 二兩

沒藥 二兩
去油

其為細末。煉蜜為丸。每服三錢。早晚淡黃酒化服。或童便化服亦可。

收珠散

歌

收珠散血竭

冰片乳香方

曰

沒藥同為助

星眸復舊光

治眼珠落出者點之。

血竭 二錢

冰片 二分

乳香 四錢 去油

沒藥 四錢 去油

右藥共為極細末。磁瓶收貯。

還睛湯

歌

還睛湯固本

白朮共人參

曰

枸杞菴蓉入

二冬二地存

治目傷睛暗者。可以還光。

人參

雲苓

枸杞

肉菴蓉

天冬

麥冬

生地

熟地黃

右方用河水煎服。

明目地黄湯

歌

明目地黄湯澤瀉

茯苓山藥牡丹皮

曰

山萸枸杞兼甘菊

石決當歸白蒺藜

調理傷目之劑。極效。

生地

澤瀉

茯苓

山藥

萸肉

枸杞

甘菊

當歸

石決明

白蒺藜

丹皮

右藥用河水煎服。

健脾養胃湯

歌 健脾養胃朮參芪 歸芍陳皮共小茴

曰 山藥茯苓兼澤瀉 中宮健運却無虞

調理脾胃之劑

人參 白朮 黃芪 歸身

白芍 陳皮 小茴 山藥

雲苓 澤瀉

右方用河水煎服。

止痛生肌散

歌

止痛生肌散象皮

兒茶乳沒石膏煨

曰

黃丹三七均為末

刀斧諸傷搽效奇

能長肉生肌收口。

象皮

二兩

兒茶

三錢

乳香

五錢

沒藥

五錢

石膏

二兩

黃丹

三錢

三七

五錢

共為細末。搽傷口上。

八仙逍遙湯

歌

八仙逍遙湯

荆防黃栢當

曰

苦參芎椒合

甘草牡丹蒼

端洗跌仆損傷。腫硬疼痛。及一切冷振風濕。筋骨
血肉肢體疼痛諸證。

防風

荆芥

川芎

甘草 各錢

當歸

酒洗

黃栢

茅山蒼朮

牡丹皮

川椒

各二錢

苦參

五錢

共入白布袋內紮口。水煎滾。薰洗患處。

大神效活絡丹

歌

神效活絡治瘋癱

四十八味煉成丹

曰 烏白二蛇全蝎炙

姜蚕龜板地龍乾

硃砂乳沒真天竺 血竭松香碎補還

白蔻芎歸苓木葛 羌防麻桂細辛關

天麻烏藥青皮藿 黑附丁香虎脛端

何首元參連白芷 黃芪熟地大黃頌

威靈草蔻牛黃射 犀角沉香赤芍安

冰片生甘和鼠糞 拘攣諸痺盡可餐

此丹宣暢氣血。通利經絡。並風濕諸痺。口眼喎斜。半身不遂。行步艱難。筋骨拘攣。手足疼痛等證。

白花蛇

酒浸焙

烏梢蛇

酒浸焙

麻黃

去節

防風

炙甘草

官桂

草豆蔻

羌活

元參

天麻

藿香

何首烏

白芷

川連

黃耆

熟地黃

川大黃 各二兩

遼細辛

赤芍藥

硃砂 水飛

沒藥 去油

乳香 去油

直僵蠶 煮紫炒

天竺黃

敗龜板 酥炙

丁香

虎脰骨 酥炙

烏藥

青皮

黑附子

白蔻仁 炒

骨碎補

白茯苓

於白朮 土炒

當歸 酒洗

沉香 各二兩

全蠍 毒

葛根

威靈仙 各三兩五錢酒浸

犀角

瓜兒血竭

各錢五分

麝香

五錢

地龍

五錢七分

淨松香

五錢

兩頭尖

川芎

各二兩

京牛黃

片腦

各錢五分

共為細末。煉蜜為丸。金箔為衣。每丸重一錢。以蠟皮封裹。溫酒化送。隨病上下。食前後服。

麻仁丸

歌

麻仁丸潤腸

歸尾大黃羌

曰

桃核麻仁共

蜜丸白水嘗

治血燥便閉。潤腸養血之劑。

歸尾

大黃

麻仁

羌活

桃仁

右方以總藥為末。煉蜜為丸。白湯送下。

收膜散

歌

收膜散內用烏梅

五蟬綠礬佐使隨

曰

若遇油膜來突出

醋調敷上立收回

烏梅

二兩
藜

五蟬

錢

綠礬

三錢

共研為末。醋調敷上立收。

舒腸活血湯

歌

舒腸活血索歸芎

桃核將軍大腹青

曰 續斷紅花并枳壳 木通利水即安寧

治腹傷腸出等症。

川芎 歸身 桃仁 大腹皮

青皮 紅花 續斷 延胡索

枳殼 木通 大黃

水煎溫服。

萬靈丹

歌 萬靈茅朮蝎歸芎 石斛天麻荆芥雄

曰 羌細麻黃甘草共 二烏何首及防風

治破傷風重症。發汗通經。解一切毒。

茅朮

米泔炒
八兩

全蝎

石斛

天麻

川芎

羌活

防風

荆芥

細辛

川烏

湯泡去毒
姜汁煮

草烏

製上

何首烏

雄黃

六錢
研

當歸

麻黃

炙草

各二兩

右為細末。煉蜜為丸。每藥一兩分作四九。一兩作六九。一兩作九九。三等做下。以備年歲老壯。病勢緩急取用。預以硃砂六錢研細。水飛為衣。

磁瓶收貯。

玉真散

歌

玉真散用芷星風

羌附天麻好和同

曰

熱酒一鍾敷服後

破傷風症奏神功

治破傷風瘡口潰瀾諸證。

南星

防風

白芷

天麻

羌活

白附子

各等分

右為末。每服二錢。熱酒一鍾調服。更敷患處。

代痛散

歌

代痛散蟾酥

乳香沒藥多

日 二鳥同何首 敷洗痛如無

敷傷處便覺麻木其痛可止。

生川烏蠶 乳香一兩 沒藥一兩 草烏蠶

何首烏一兩 蟾酥三錢
火酒烱化

共為末。用燒酒調敷。或薑汁亦可。

地黃湯

歌 地黃湯六味 熟地山萸濟

日 淮藥共丹皮 澤瀉茯苓利

治陰虛怯弱。肝腎不足之證。

熟地黃

山萸肉

淮山藥

白茯苓

牡丹皮

建澤瀉

以河水煎服。

壯筋養血湯

歌

壯筋養血芍歸芎

續斷紅花生地同

曰

牛膝丹皮杜仲炒

筋舒血活自然鬆

治傷筋絡調理之劑。

白芍

當歸

川芎

川斷

紅花

生地

牛膝

丹皮

杜仲

河水煎服。

寬筋散

歌

寬筋散羌防

續斷桂枝當

曰

芍藥和甘草

筋舒痛自良

寬筋止痛。

羌活

一兩

防風

一兩

續斷

一兩

桂枝

四錢

當歸

一兩五錢

芍藥

一兩

甘草

四錢

共爲末。陳酒調下。

補腎壯筋湯

歌

補腎壯筋湯

萸牛熟地當

日

茄皮苓續斷

杜仲芍青方

治腎經虛損。常失下頰。

熟地

當歸

牛膝

山萸

雲苓

川斷

杜仲

白芍

青皮

五茄皮

用河水煎服。

舒筋活血湯

歌

舒筋活血羌防荆

獨活當歸續斷青

曰 牛膝茄皮并杜仲

紅花枳壳又通經

治失骸後調理之劑。

羌活

防風

荆芥

獨活

當歸

續斷

青皮

牛膝

茄皮

杜仲

紅花

枳殼

用河水煎服。

生血補髓湯

歌

生血補髓湯

芍地芎芪當

曰

杜仲茄牛膝

紅花續斷嘗

治上骶後補虛之劑。

生地

白芍

川芎

黃芪

杜仲

茄皮

牛膝

紅花

當歸

續斷

用河水煎服。

和營止痛湯

歌

和營止痛芍歸芎

蘇木桃仁續斷同

曰

烏藥陳皮共乳沒

木通甘草輔成功

活血通經。止痛去瘀生新之劑。

赤芍

歸尾

川芎

蘇木

陳皮

乳香

桃仁

續斷

烏藥

沒藥

木通

甘草

右藥以河水煎服。

健步虎潛丸

歌

健步虎潛丸

首烏虎脛堅

曰

鎖陽參朮地

薑附威靈仙

龜鹿膠黃蘗

羗牛杜仲全

當歸同白芍

煉蜜共爲丸

崙治跌打損傷。血虛氣弱。下部腰膝。腿疼痛。痿軟無力。步履艱難。服此藥至一百日。舒筋止痛。活血補氣。健旺精神。

龜膠

蛤粉炒成珠

鹿角膠

製膏上

虎脛骨

酥油炙

何首烏

墨登拌蒸
晒各九次

川牛膝

酒洗曬乾

杜仲

姜汁炒斷絲

銷陽

威靈仙

酒洗

當歸

各三兩
酒洗曬乾

黃蘗

酒洗曬乾
鹽水拌少許
酒炒

人參

善

羌活

白芍

藥

雲白朮

各二兩
去炒

熟地

三兩

大川附子

二兩
童便

童便鹽水各一椀。生薑一兩切片。同煮一日。令極熟。水乾再添鹽水。煮畢。取出剝皮。切片。又換淨水。入川黃連五錢。甘

草五錢同煮。長香三炷取出。晒乾如琥珀色明亮可用。

右藥共為細末。煉蜜和丸如桐子大。每服三錢。空心淡鹽湯送下。冬日淡黃酒送下。

補筋湯

歌

補筋歸地芍

乳没白雲苓

曰

碎補丁陳入

紅花酒煮吞

治跌撲傷筋。血脉壅滯。宣腫青紫疼痛等證。

當歸 二兩

熟地黃

白芍藥 各三兩

紅花

乳香

白茯苓

骨碎補 各二兩

陳皮 二兩

沒藥 三錢

丁香 五錢

右方用水酒煎服。

補筋丸

歌

補筋丸熟地

山藥牡丹皮

曰

蓮蕊菴蓉膠

蛇床絲子肥

茄皮沉丁木

參朮木瓜歸

煉蜜爲丸服

筋傷可挽回

治筋翻筋攣。筋脹筋粗。筋聚骨錯。血脈壅滯。宣腫青紫疼痛等證。

好沉香

丁香

川牛膝

白雲苓

白蓮蕊

肉從蓉

兔絲子

當歸酒洗

熟地黃

牡丹皮

宣木瓜

各兩

山藥八錢

人參

廣木香

各錢

五茄皮

蛇床各兩

共爲末。煉蜜爲丸如彈子大。每服三錢。用無灰酒送下。

麻桂溫經湯

歌

麻桂溫經湯治寒

紅花白芷細辛冷

曰

桃仁赤芍薑蔥入

國老和中危自安

治傷後着寒。通經活絡。去瘀。

麻黃

桂枝

紅花

白芷

細辛

桃仁

赤芍

甘草

用河水煎服。

安胎和氣飲

歌

安胎和氣飲

歸芍地黃芎

曰

白朮條芩八

砂仁爲末沖

治孕婦受傷。

當歸

白芍

生地

川芎

條芩

白朮

砂仁

用河水煎服。

人馬平安散

歌

人馬平安散治痧

西黃元麝共礪砂

曰

火硝金箔梅花片

飛淨硃砂搗鼻瘡

治一切痧暑穢惡之氣着人觸鼻即安。

西黃 一錢

麝香 一錢

礪砂 五錢

火硝 三錢

梅花冰片 三錢

金箔 百張

硃砂 六兩

共研為細末。

蟾酥丸

歌 蟾酥烱化共為丸 茅朮硃砂丁射甘

曰 雄大二黃宜配合 二麻重用治痧痊

治一切痧穢等惡氣中人臟腑服之即愈。

射香 三錢 丁香 六錢 大黃 兩 雄黃 三兩六錢

茅朮 三兩 麻黃 三兩六錢 天麻 三兩六錢 硃砂 三兩六錢

蟾酥 九錢 甘草 三兩四錢

右藥共研細末。將燒酒化烱。蟾酥為丸。如不敷。再加糯米糊和為丸。硃砂為衣。

再造紫金丹

歌 再造金丹元射冰 西黃文蛤共千金

日 茅菇大戟雄黃配 外着硃砂血染新

治一切穢惡痧暑之毒。山嵐瘴氣閉塞臟腑經絡。

昏迷不醒。嘔吐等症。

元麝 二兩 麤 冰片 二兩 麤 西黃 七分半 文蛤 七兩 麤

硃砂 七錢 麤 千金霜 五兩 茅菇 十兩 雄黃 五兩

大戟肉 兩

右藥共研極細末。飯搗和為丸。硃砂為衣。

加味逍遙散

歌

加味逍遙歸芍荷

柴胡白朮

曰

丹皮河水山梔服

肝火平時

治肝經火鬱。胸脇悶痛。日晡發熱。

柴胡

當歸

白芍

薄

白朮

茯苓

丹皮

山

右藥共爲末。白滾湯送下。

四君湯

歌

四君湯參朮

苓草棗薑

曰 氣弱人宜服。

陽生陰長全

此治氣虛怯弱。扶元固衛。

白朮

人參

白朮

甘草

右藥以河水煎服。

補中益氣湯

歌

補中益氣芪朮陳

升柴參草當歸身

曰

虛勞內傷功獨擅

亦治虛陽外感因

木香蒼朮易歸朮

調中益氣暢脾神

治虛勞內傷。中氣下陷。

黃芪

人參

當歸

白朮

柴胡

升麻

陳皮

甘草

以河水煎服。

百合散

歌

百合芎歸赤芍地

丹皮犀角鬱金連

曰

芩梔側柏生軍芥

童便調和立可痊

治打撲傷損。敗血流入胃腕。色如荳汁。從嘔而出。形體實者宜之。

犀角

鬱金

丹皮

黃連

當歸

川芎

赤芍

生地

百合

側柏葉

荆芥

黃芩

梔子

大黃

共為末。陳酒或童便調服。

加味芎歸湯

歌

加味芎歸湯

川芎百合良

曰

當歸同白朮

荆芥水煎嘗

治傷損嘔血。形體虛弱。

當歸

川芎

百合

白朮

荆芥

右方以河水煎服。

當歸補血湯

歌

當歸補血芎歸芍

乳沒翹防獨

曰

杜斷地黃兼白芷

氣虛參共木

古方僅用歸芪者

亦號當歸補

治出血過多。脉浮洪大。重按全無。血虛發熱之。

黃著

當歸

川芎

芍藥

羌活

獨活

連翹

防風

乳香

沒藥

生地

杜仲

續斷

人參

白朮

白芷

用河水煎服。

聖愈湯

歌

聖愈湯芎歸

參芪二地隨

曰

血止并肉爛

筋惕服斯宜

治筋惕肉爛。吐血過多之證。

人參

黃芪

川芎

當歸

生地 熱地

右方用河水煎服。

加味歸脾湯

歌 加味歸脾參朮芪

茯神遠志棗仁歸

曰 木香梔子丹皮草

龍眼煎加薑棗隨

治胸腹不利。食少無寐。脾氣鬱結。

人參 黃芪 白朮

茯神

棗仁 梔子 遠志

木香

當歸 丹皮 龍眼

甘草

右藥水煎。

當歸導滯散

歌

當歸導滯散

一兩大黃君

曰

歸用二錢半

射香少許羣

治腹脹胸痛。大便不通。喘咳吐血及血瘀停滯。

大黃

當歸

射香

共爲細末。磁器收貯。

加味承氣湯

歌

加味承氣湯

大黃朴實當

曰 芑硝紅甘草 蓄瘀立時康

治損傷蓄血。腹痛。大便不通。

大黃 芑硝 枳實 厚朴

紅花 甘草

水煎服。

地龍散

歌 地龍散治脊腹傷 官桂麻黃黃栢當

曰 蘇木桃仁和國老 太陽留血水煎嘗

治腰痛脊痛。因瘀血留太陽經。

地龍

官桂

蘇木 各九分

麻黃 七分

歸尾 二錢五分

桃仁 九個

黃栢

甘草 二錢五分

共為細末。水調服。

護心丸

歌

護心丸內用牛黃

血竭辰砂乳沒方

曰

木耳灰研蜜煉服

攻心之患不須防

治湯火之患。毒氣攻心。及瘀血上冲昏暈等症。

牛黃 一錢

血竭 四錢

辰砂 水飛為末

木耳灰 二兩

乳香

沒藥 各兩錢

共研爲末。煉蜜爲丸。

化癩散

歌 化癩大黃乾漆桃 紅花土狗青皮調

曰 川芎枳朴和甘草 赤芍歸鬚飲即消

治杖後癩毒上攻。一切蓄癩作痛。

大黃_{三兩} 乾漆_{五錢} 桃仁_{二兩} 土狗_{二兩}

青皮_{二兩} 川芎_{二兩} 枳實_{二兩} 厚朴_{二兩}

赤芍_{二兩} 歸鬚_{二兩} 甘草_{五錢} 紅花_{二兩}

右藥共爲細末。煉蜜爲丸。

逐瘀定痛散

歌 逐瘀歸鬚索五靈

紅花赤芍共炒

日 乳香末藥川山甲

甘草和中痛自

治夾棍後瘀血不散。

歸尾 三兩

胡索 二兩

紅花 二兩

五靈吐

赤芍 二兩 麤

桃仁 二兩

甘草 五兩

川山甲

乳香

沒藥 各兩 麤

共為細末。陳酒調服。

定痛和血湯

歌

定痛湯和血

紅花乳沒靈

曰

蒲黃芩續斷

歸尾及桃仁

治夾棍後調理之劑。

乳香

沒藥

紅花

當歸

秦芩

川斷

蒲黃

五靈脂

桃仁

水酒各半煎服。

花蕊石散

歌

花蕊乳香沒藥羌

紫蘇朴芷細辛當

烏頭蘇降蛇含石 檀射星龍輕粉方

治一切瘡口濕爛腫痛等處摻之。

花蕊石 二兩 紫蘇 五錢 厚朴 五錢 白芷 三兩

乳香 五錢 羌活 五錢 沒藥 五錢 細辛 四錢

草烏 三錢 龍骨 五錢 蘇木 五錢 降香 五錢

當歸 二兩 檀香 三錢 蛇含石 五錢 射香 三兩

南星 三錢 輕粉 三錢

共為細末。敷摻傷處。

碓鐵散

歌

碣鐵石研末

水仙根搗汁

日

調和塗瘡上

鉄物隨能出

治鐵珠入肉不出。

碣鐵石

水仙根

將碣鐵石爲細末。再將水仙根搗爛絞汁。和塗患處。

扶危散

歌

扶危散內王蟹螯

按日加添糯米炒

日

滑石雄黃元射少

酒吞瘋犬毒能消

治瘋犬咬毒。逐惡物血片從小便而出。

蟹螯按日數用之。如犬咬七日用七個。十日用十個。去翅足。加糯米同炒焦黃色。去米用螯。

滑石二兩 雄黃一錢 射香二分

共研細末。每服酒下一錢。不飲酒者米湯調下。

琥珀碧玉散

歌 琥珀碧玉散生甘 滑石能調六腑宣

曰 青黛研和同琥珀 灯心湯下溺如泉

治服扶危散後。毒物血片填塞莖中。小水澁痛如

淋者。

滑石 六兩

甘草 一兩

琥珀 五錢

青黛 八分

共研細末。每服三錢。燈心湯下。

玄妙飲

歌 玄妙飲療湯火毒

芩連花粉共元參

曰 山梔炒黑陳皮桔

甘草和中藥不爭

此方能解湯火之毒。

黃連

花粉

元參

黑山梔

陳皮

桔梗

甘草

黃芩

用河水煎。溫服。

蘇合丸

歌

蘇合丸須蘇附良

射安薰陸木丁香

曰

冰犀白朮沉香合

煉蜜硃衣臘壳鑲

治一切惡毒之氣中人闕竅不通者。服之能通關辟邪解毒。

蘇合香 一兩

元射香 三分

安息香 三錢

薰陸香 三錢

廣木香 五錢

水沉香 五錢

母丁香 五錢

香附子 兩

冰片 三分

白朮 五錢

犀角 三錢

煉蜜爲丸。硃砂爲衣。外蠟爲壳。

瓜皮散

歌

瓜皮散二味

炒脆牛皮膠

曰

為末酒調服

汗淋病自消

治傷後發汗。

冬瓜皮

牛皮膠

等分

為細末。酒調服。

勝金散

歌

勝金散降香

地鱉及歸鬚

曰

共末酒調服

遍身疼痛除

能消痰降氣。

降香 麤

歸鬚 二兩

地鱉虫 麤

共爲細末。酒調下。

硫射散

歌

硫射硫黃及射香

不能言語此方良

曰

服之卧被人牽滾

吐出痰涎無禍殃

此藥能吐去惡物。

硫黃

射香

共爲末。滾水冲服。

蠱蟲散

歌

蝨蟲散用牡丹皮

二味兼和乾漆灰

曰

若遇宿傷酒飲下

瘀消痛止最相宜

專治宿傷蓄瘀凝結。能化瘀爲水。

牛蝨蟲 一兩

牡丹皮 二兩

乾漆灰 五錢

夏天將牛身上飽血蝨。取陰乾爲末。和丹皮漆灰。酒沖服。

傷科補要

附錄各家秘方目次

正骨紫金丹

疎血丸

烏龍膏

塞鼻丹

補肌散

定痛膏

止痛散

白膠香散

補損續筋丸

補損接骨仙丹

止血定痛生肌散

回陽玉龍膏

太乙膏

保命丹

八寶丹

七厘散

四症神方

神仙保命丹

桃花散

退花散

行軍金瘡方

八仙散

洞蠻方

閃氣散

回生丹

一粒金丹

鷄鳴散

君臣散

川芎湯

桂枝湯

蔓荊湯

杜仲湯

杏仁湯

桔梗湯

車前湯

海桐皮湯

射香膏

藥酒方

八厘寶

楊花散

陰紅湯

血竭散

虎骨散

象皮膏

和傷治血湯

活血丹

透骨丹

傷科補要卷四方目

二五二

急救良方目錄

救中暈

救凍死

救魘

救中惡

救驚斃

救驚撲猝死

解砒毒

解巴豆毒

解蟹螯芫青毒

治菌毒

解毒蕈

解草烏頭毒

解射罔毒

解輕粉毒

救服瀉

治吞金

解藥蠱金石毒

解水銀入耳

解煤薰毒

解飲饌毒

治骨硬

解河鮪毒

解火酒醉死

誤吞麥苳

誤吞銅鐵金銀

吞鍼

治諸骨硬

治稻苳糠穀硬

消吞頭髮

誤吞水蛭

諸蟲入耳

誤吞水銀

鐵針入肉

諸刺入肉

解百物毒

飲食中毒

中酒毒

解麩毒

解一切食毒

中蠚毒

食牛馬中毒

食斑鳩毒

解花椒毒

解諸菜毒

解半夏毒

解藜蘆毒

解雄黃毒

解杏仁毒

解服丹毒

解漆毒

解食鱈魚龜鼈
蝦蟆自死
禽獸等毒

傷科補要卷四急救良方目錄

二五六

傷科補要卷之四

上海錢秀昌松溪氏編輯

男 丹書杏園

婿何錦華鶴汀

同較

附錄各家秘方

正骨紫金丹

治跌打撲墜。閃錯損傷。並一切疼痛瘀血凝聚。

丁香

木香

瓜兒血竭

兒茶

熟大黃

紅花 各二兩

當歸頭

蓮肉

白茯苓

白芍 各二兩

丹皮 五錢

甘草 三錢

共為末。煉蜜為丸。每服三錢。童便調下。或亦可。

疎血丸

此藥止血開胃。

百草霜 三錢

好阿膠

粉黛珠

藕節

側柏

茅根

當歸

各一兩
酒洗

共為細末。煉蜜為丸。如桐子大。每服五錢。老酒送下。

烏龍膏

此膏治跌打損傷筋斷骨折腫硬青紫。

百草霜 三錢

白及 五錢

白歛 三錢

百合 五錢

百部 三錢

乳香 三錢

沒藥 五錢

射香 二分

糯米 一兩

陳粉子

四兩炒
隔年舊

共為細末醋熬為膏。

塞鼻丹

此丹治跌打損傷鼻中流血不止神氣昏迷牙齒損傷虛浮腫痛者及一切衄血之證皆可用之。

硃砂

麝香

丁香

烏梅肉

川烏

草烏

當歸

三柰 各一錢

乳香 三錢

皂角

共爲細末。用獨頭蒜泥爲丸。以絲棉包裹。塞於鼻中。

補肌散

止血除痛。辟風。續筋骨。生肌肉。

地黃苗

地菘

青蒿

蒼耳苗

赤芍藥

各五錢
水煎取汁

生艾汁

三合

右藥以五月五日七月七日午時修合。以前藥汁拌石灰陰乾。入黃丹三兩。更杵爲細末。凡有傷折出血者。用藥包封。不可搖動。約至十日可瘥。不膿不腫。

定痛膏

治打撲傷損。動筋折骨。跌磕木石壓傷腫痛。

芙蓉葉

二兩

紫荊皮

獨活

南星

生

白芷

各五錢

右藥共爲末。加馬齒莧一兩。搗極爛。和藥末一

處。用生葱汁老酒和炒煖敷。

止痛散

止痛消腫。活血通經。辟風驅寒。

防風

荆芥

當歸

蘄艾

牡丹皮

鶴風

升麻

苦參

鐵線透骨草

赤芍藥

各二錢

川椒

三錢

甘草

八分

共為末。裝白布袋內。紮口煎滾薰洗。

白膠香散

治皮破筋斷。

白膠香一味。爲細末。敷之。

補損續筋丸

治跌打撲墜。骨碎筋斷。肉破疼痛不息。

當歸三錢

川芎

白芍炒

熟地各三錢

廣木香

牡丹皮

乳香去油

沒藥各五錢

骨碎補

自然銅

紅花

硃砂五錢

瓜兒血竭三錢

丁香一錢

人參一兩

虎骨二兩
酥油炙

古銅錢三錢

共爲細末。煉蜜爲丸。每服三錢。黃酒童便化服。

補損接骨仙丹

治證同前。

當歸漂

川芎

白芍

熟地

補骨脂

五靈脂

廣木香

地骨皮

防風各五錢

乳香去油淨

沒藥去油淨

血竭各二錢

右剉一處。用夜合花樹根皮五錢。同入大酒壺內。

加燒酒同煮。一炷香取出。溫服。

止血定痛生肌散

治傷損等證。失血過多。或因寇伐致血氣耗損。惡

寒發熱煩躁。

乳香 去油淨

沒藥 去油淨

龍骨 叁錢

血竭 一錢

黃丹 五錢 飛過

香白芷 二錢 炒

軟石膏 一兩 服去火毒

樟腦 少許

其為細末。磁器盛之。每以摻患處。止痛生肌。

回陽玉龍膏

崑敷跌打損傷。氣虛寒冷。

草烏 二錢 炒

南星 一兩 煨

軍薑 一兩 煨

白芷 一兩

赤芍 二兩 炒

肉桂 五錢

其為末。葱湯調搽。熱酒亦可。

太乙膏

治傷口不收。貼之生肌長肉。

香蘇油

當歸

生地

生甘草

三味入油內燻枯。去渣。再以絲棉濾淨。再入淨鍋熬至滴水不散。入炒飛黃丹八兩。又用漫火熬至滴水成珠。取起。少傾入白蠟黃蠟各一兩。微火再熬。取起。少定。入去油淨乳香沒藥各五錢。攪勻。收磁器內。過三宿可貼。

保命丹

治跌打損傷。

巴霜一錢
去油

黑丑一錢

大黃一錢

血竭五分

硃砂一錢

射香二分

共為末。酒漿為丸。綠豆大。金箔為衣。壯人服五分。虛人三分。小兒二分。俱陳酒送下。

八寶丹

治一切破傷出血時。卽以此藥封之。

琥珀

川連

龍骨

象皮

兒茶

輕粉

鳳凰衣

血竭各一錢

珠子三分

冰片三分

其為細末。摻傷口上。生肌神效。

七厘散

散瘀定痛。

乳香

沒藥各去油
淨一錢

巴霜

去油

血竭

自然銅

煨

硼砂

半夏

各二錢

歸尾二錢

共為末。每服七厘。老酒下。

四症神方

服藥之後。週徧一身。若遇傷處。漸漸有聲。病人自

覺藥力往來。

乳香

沒藥

蘇木

降香

松節 各二兩

川烏 五錢

自然銅 一兩

地龍 五錢

水蛭 五錢

血竭 五錢

生龍骨 五錢

土狗 十個

共研細末。每服五錢。陳酒調下。隨症上下食前
後服。

神仙保命丹

治跌打損傷。癰疽發背。

牛黃

冰片 五錢

射香

白芷

川山甲

蛤粉二兩

乳香

胡椒二兩

自然銅二兩

大黃四兩

沒藥

歸尾

桃仁

蘇木

五靈脂

紅花

赤芍

木香

五茄皮

血竭

青皮

無名異

甜瓜皮各二兩

大戟

千金子去油淨

地鱉蟲二升

山荳根五錢

山茨菰二兩

硃砂五錢

其為末。蜜丸。彈子大。硃砂為衣。再用金箔為外衣。晒干。入磁瓶內封固。不可泄氣。每服老酒下。

一九。重者二九。

桃花散

風化石灰 并

大黃 八兩五錢

切片。同炒灰色變紅。放地上去火毒。篩去大黃。研細。摻傷處。絹紫。血止後。葱湯洗淨。換玉紅膏。即長肉收斂。忌房事發物。

退風散

治破傷風不省人事。角弓反張。

防風 一錢

荊芥 五分

薄荷 七分

僵蚕 炒淨五分

白芷 一錢

天麻 酒洗 一錢

麻黃 一錢

當歸 一錢

甘草 五分

加生姜煎服。

行軍金瘡方

平時將雌雄雞血對相晒乾。研末敷患處。即收口。

八仙散

治杖打極重。瘀血冲心。不治即死。急服八厘。好酒送下。

半夏

姜汁炒

巴豆霜

當歸

乳香

沒藥

硼砂

血竭

土鱉虫

等分。共為細末。

洞蠻方

治跌撲損傷。拳泛嘔逆。筋骨疼痛。

牛黃五分

射香五分

冰片三錢

大黃

天竺

鬱金

乳香

沒藥

兒茶

血竭二錢

雄黃

阿魏

共為細末。煉蜜丸如綠豆大。硃砂為衣。每服二丸。好酒送下。

閃氣散

治閃氣傷。脇肋疼痛。

射香 二錢

雄黃 五分

共為細末。入藥瓶內。每遇閃氣者。將藥點在眼
潭內。睡一瘖即愈。

回生丹

治極重損傷垂危等症。

五茄皮 二兩 五錢

川牛膝 二兩 五錢

當歸身 五錢

炙甘草 四錢

木耳 一兩 三錢 蜜炙

黃蘗灰 五錢

鹿角膠 二兩 熬

川山甲 二兩 八錢

自然銅 二兩八錢 骨碎補 一錢

另放自然銅其各藥共為細末和均用老米飯

打糊為丸分作六十九每丸加自然銅末三分

辰砂為衣每服酒磨一九

一粒金丹

耑治週身筋骨疼痛諸藥不效者服此除根

射香 二錢 真京墨 一錢 乳香 一錢 沒藥 一錢

白松香 二兩 五靈脂 一錢 當歸 一錢 地龍 一錢

番木鱉 七分 草烏 七分

共為細末。糯米湯丸。

鷄鳴散

治胸腹蓄血。

歸尾 三錢

桃仁 三錢

大黃 二兩

酒煎鷄鳴時服。至天明攻下瘀血即愈。

君臣散

治跌打損傷。

肉桂 二兩

紅花

歸尾

赤芍

丹皮

生地

烏藥

胡索

桃仁 各三錢

川膝

杜仲

川芎 各三錢

毛薑 二錢

川斷

茄皮

防風

羌活 各三錢

花粉 碾

甘草

姜黃 五分

右爲細末。入瓶內。臨用配服。

川芎湯

治頭面傷。

川芎

白芷

防風

當歸

赤芍

生地

羌活

陳皮

黃荊子

花粉

茄皮

加姜三片。水煎服。

桂枝湯

凡傷手或傷臂用之

桂枝

枳壳

陳皮

紅花

香附

生地

歸尾

胡索

防風

赤芍

獨活

各等分。童便陳酒煎服。

蔓荆湯

凡眼目損傷用之。

白芷

生地

蔓荆子

紅花

當歸

川芎

白朮

各等分。水酒各一鐘煎服。

杜仲湯

凡腰脊傷痛用之。

肉桂

烏藥

杜仲

生地

赤芍

丹皮

歸尾

胡索

桃仁

川斷各錢

童便酒煎服。

杏仁湯

跌打壯腹疼痛用之。

杏仁 三錢

生大黃 五錢

桃仁 三錢

歸尾 一錢

甘草 三分

童便老酒煎服。

桔梗湯

凡跌撲損傷。大小便不通。

桔梗 三錢

紅花

蘇木

芒硝 各五錢

猪苓

澤瀉 各三錢

大黃 一兩

歸尾 五錢

桃仁四錢

加薑三片。童便酒各半煎服。

車前湯

凡大小便不通者用之。

車前子

枳壳

歸尾

赤芍

木通

桔梗

大黃

芒硝

各錢

童便酒煎服。

海桐皮湯

凡足傷用之。

海桐皮

獨活

赤芍藥

秦艽

五茄皮

川斷

當歸尾

肉桂

牡丹皮

生地

川牛膝

防風

廣陳皮

姜黃

童便酒煎。食遠服。

射香膏

凡跌打骨碎皮破等用之。

紅花

白芷

牛膝 各錢

歸尾 二兩

蘇木

茄皮

靈仙 各錢

防風

荊芥

川斷

生地

紫荊皮

麻黃

黃栢

苦參

桃仁

丹皮

肉桂

獨活

髮灰

各五錢

大黃

用麻油一觔。將大黃紅花等藥浸內。夏天二日。冬天四日。入銅鍋熬藥枯黑色。濾絹去渣。入薑葱汁各二碗。又熬。再濾過。入冰片一錢。又熬。再濾過。入鍋加黃占四兩。淨百草霜二兩。同熬膏。取起。下細藥射香一錢。乳香沒藥各一兩。同射。

香研入膏內攤貼。

藥酒方

治跌打損傷。筋骨疼痛。

參三七

紅花

生地黄

川芎

當歸身

烏藥

落得打

乳香

五茄皮

防風

川牛膝

乾薑

牡丹皮

肉桂

延胡索

姜黃

海桐皮

各錢

入絹袋。放瓶內。用酒五觔。隔湯煮三炷香爲度。

早晚服。

八厘寶

治痛極難忍。服之覺寬。但宜避風。

川芎

草烏

半夏 各二錢

麻黃 一錢

蟾酥 五分

南星 四錢

以酒浸。晒乾為末。再將芋芳葉絞汁拌濕。晒乾。研細。酒下八厘。

楊花散

割開肉上敷之麻木。

南星二錢

草烏一錢

姜汁炒

開楊花三錢

半夏二錢

共為末。黃麻根。葶麻子根。芋芳葉。三味打汁。拌南星。四味晒乾。再研極細聽用。

陰紅湯

凡婦人損傷用。

阿膠

髮灰

沒藥

等分。酒煎。加童便服。

血竭散

凡跌打血流口出。

血竭

髮灰

茅根

韭根

各等分。童便酒煎服。

虎骨散

治跌打損傷。愈後筋不能伸。

黃荊子 二兩

川續斷 八錢

獨活 七錢

秦艽 八錢

海桐皮 八錢

鷄骨節

虎骨節

龍骨

犬骨節

各等分。以酒炙為末。陳酒服。

象皮膏

治跌打斷骨破傷。

大黃 二兩

川芎

當歸

生地 各二兩

紅花 三錢

川連 三錢

甘草 三錢

荆芥 三錢

肉桂 三錢

白芨 三錢

白蘇 三錢

冰片 一錢

用麻油一觔。先將藥片入鍋內用柳枝攪勻。俟藥渣枯色。以麻布絞去藥渣。人黃占白占各三兩。白芨白蘇末同熬滾至滴水不化。頃入淨水缸內。將膏在水中氈長。一塊分作五塊。漸入大鍋內溶化。膏入帶水氣。油花滾泛滿鍋。看藥泛

紅黃色漸漸化盡。其膏如鏡面可以照人。將膏滴水試老嫩。貼手不粘爲度。如老加麻油。如嫩加冰片百草霜一兩攪勻。再入後藥。

地盤虫

二兩

血竭

五錢

象皮

五錢

龍骨

三錢

海螵蛸

三錢

眞珠

二錢

乳香

五錢
去油

沒藥

五錢
去油

人參

二錢

共研極細末。並入膏內攪勻。

和傷治血湯

治損傷瘀血。腹脹內壅。紅腫暗青。瘀痛昏悶欲死。

傷最重者服之。

山甲炒為末

歸尾

紅花

生地

靈仙

茄皮各二錢

川芎

乳香

沒藥

花粉各五分

甘草三分

血竭二分

桃仁打碎四九粒

大黃五錢

水酒各一碗煎好。臨服加童便一盃。服後瀉出

瘀血為效。後再服活血丹調理痊愈。若打跌

氣閉已死者。先用通關散見中風門吹入鼻。有嚏

者。後服此藥自活。

活血丹

治跌撲損傷神藥。

劉寄奴花頭

桃仁

去皮尖

加皮

山杏

地鼈虫

用酒浸死
晒乾各罇

紅花

當歸

酒洗

延胡

牛膝

酒洗

牡丹皮

香附

各三兩
童便浸炒

蓬朮

青皮

蘇木

枳實

川芎

降香末

山稜

醋炒

凌霄花

赤芍

威靈仙

板榔

各二兩

乳香

去油

沒藥

大黃

八兩陳
酒煮乾

右如法製度。為極細末。每服二錢。壯者三錢。陳酒送下。核桃四五枚過口。

透骨丹

治撲打損傷。深入骨髓。或隱隱痛。或天陰則痛。或年遠四肢沉重無力。此藥主之。真神方也。

鬧楊花子

一兩火酒浸炒三次
薑覆浸二次焙乾

乳香

沒藥

不去油

真血竭

叁錢

各為末。稱准和均。再加射香一分。再研。磁餅收貯。封固。每服三分。壯者五六分。不必用夜飯。進

要黃昏睡好方服藥。酒可盡醉送下。葷用猪肉
過口。素用豆腐過口。服後避風。有微汗出爲效。
忌房事酸寒茶醋等物及諸般血。虛弱者間五
六日一服。壯實者間三日一服。

傷科補要卷四

急救良方類

救中暈

暈死於行路上。旋以刀器掘開一穴。入水擣之。取爛漿以灌死者卽活。

中暈不省人事者。與冷水吃卽死。可急取灶間微熱灰壅之。復以稍熱湯蘸手中熨腹脇間。良久甦醒。不宜便與冷物吃。

暑月熱倒。急扶在陰涼處。切不可與冷水飲。當以布巾衣服蘸熱湯覆臍下及氣海間。續以湯淋布

帛上。令徹臍腹。但煖則漸甦也。如倉猝無湯處。掬道上熱土於臍端。以多爲佳。冷則頻換。後與解暑毒藥。或道塗無湯處。卽掬熱土於臍上。仍撥開作窩子。令衆人旋溺於中。以代熱湯。亦可取效。

凡中暑如已迷悶。嚼大蒜瓣冷水送下。如不能嚼。卽用水研灌之立醒。路中倉卒無水。湯甚急。嚼生葱二寸許。和津同咽。可抵飲水二升。

救凍死

凍死。四肢直口噤有微氣者。用大鍋炒灰令煖。袋

盛熨心上。冷卽換之。候目開。以溫酒及清粥稍稍與之。若不先溫其心。便以火炙。則冷氣與火爭。必死。

又用毡或藁荐捲之。以索繫定。放在平穩處。令二人相對踏。令滾轉往來。如扞瓊法。候四肢溫卽活。冬月溺水之人。及被凍極之人。雖纖毫人事不知。但胸前有微溫皆可救。倘或微笑。必爲急掩其口鼻。如不掩則笑而不止。不可救矣。切不可驟令近火。但一見火。則必大笑。不可救藥。

凡凍死已經救活者。宜用生薑帶皮搗碎陳皮帶皮三升煎一碗溫服。

救魘

魘死不得用燈火照。并不得近前急喚。但足跟及足大拇趾頻頻呼其名及唾其面薑湯必活。

魘不醒者。移動小臥處。徐徐喚之。卽醒。夜原有燈卽存燈。無燈者不可用燈照。

又用筆管吹兩耳。及取病人頭髮二七莖

繩刺入鼻中。又鹽湯灌之。

又研韭菜汁半盞灌鼻中。冬月用根亦可得嚏。

又灸兩足大拇趾聚毛中三七壯。聚毛乃足趾向上生毛處。

又方皂角末如豆許。吹兩鼻內。得嚏則氣通。三四

日者尙可救。

屢死者若身未冷。急以酒調蘇合丸灌之卽活。

救中惡

凡中惡客忤猝死者。或先病。及睡臥間忽然而絕。皆中惡也。用韭黃心於男左女右鼻內刺入六七

寸。令目開血出卽活。

視上唇內沿有如粟米粒。以針挑破。

又用皂角或生半夏末如大豆許。吹入兩鼻。

又用羊屎燒烟熏鼻中。

又綿浸好酒半盞。手按令汁入鼻中。及捉其兩手
勿令驚。須臾卽活。

又炙臍中百壯。鼻中吹皂角末。或研韭汁灌耳中
可活。

又用生菖蒲斫汁一盞灌之。

救驚斃

驚怖死者。以溫酒一兩盞灌之。卽活。

救驚撲猝死

卒暴隨擲築倒及鬼魘死。若肉未冷。急以酒調蘇合香丸灌入口。若下候去可活。

解砒毒

砒霜服下未久者。取鷄正一二十個打入碗內攪勻。入明礬末三錢灌之。吐則再灌。吐盡便愈。但服久砒已入腹。則不能吐出。急用黑鉛四兩重一塊

者。用井水於石上磨出黑水。旋磨旋灌。砒消則愈。即先吐出之後。亦宜服鉛水以解餘毒。方無後患。中砒霜毒。急取熱鴨血灌之立解。又糞清灌之亦解。又方以豆豉濃煎湯飲之亦解。又用甘草汁同籃汁飲之亦可。用熱豆腐漿灌之亦效。

解巴豆毒

中巴豆毒下痢不止者。以大豆一升煮汁飲之。又巴豆畏大黃、黃連、蘆筍、菝舘、藜蘆。各煎冷服。皆能止泄。

又用芭蕉葉搗自然汁。服之卽止。

解蟹螫荒青毒

用猪膏大豆汁或鹽汁藍汁服之。或用鹽湯煮猪膏巴豆飲之。又或用大小黑豆汁服之。並瘡用肥皂水灌之。再以鷲翎絞喉數次。令吐卽活。

治菌毒

四明温台間山谷多產菌。然種類不一。食之間有中毒。往往至殺人。蓋蛇虺毒氣所薰蒸也。有僧教掘地以冷水攪之令濁。少頃取飲。皆得全活。其方

自見本草。楓樹菌食之笑不止。裕言笑不可不知此法也。

解毒葷

誤食毒葷至吐。卽採生金銀花嚼之可

解草烏頭毒

用飴糖黑豆冷水解之。

解射罔毒

用甘草汁或小豆葉浮萍薺芫汁冷水

甜桔梗。河南人呼爲杏葉沙參。能解百藥之毒。

解輕粉毒

用黑鉛五斤。打壺一把。盛燒酒十五斤。納土半斤。乳香三錢。封固。重湯煮一日。夜埋土中。毒每日早晚任飲數盃。渴時以瓦盆接之。出。服至筋骨不痛乃已。

中冰片毒。飲以新汲冷水可解。

救服瀉

服鹽瀉。將常用擦卓布洗水灌之。使吐卽解。或多飲豆腐漿亦可。

治吞金

中黃金毒者。食鷓鴣肉。中白銀毒者。以黃連甘草解之。又洗金以鹽。駱駝驢馬脂。餘甘子皆能柔金。羊脂。獲子皆能柔銀。吞金銀入腹中。當服食前品。柔則易出。

又服金者。用真輕粉細水調下。能金從大便而出。解藥蟲金石毒。

治一切藥毒蟲毒及金石諸毒。用一石鱗。以熱水磨服。

解水銀入耳

以黃金枕耳邊自出。若水銀入肉。令人筋攣。以金物熨之。水銀乃出。蝕金其病卽瘥。

解煤薰毒

飲冷水可解。或蘿蔔搗汁灌口鼻。移向風吹。便能醒轉。

解飲饌毒

凡中飲饌之毒。不知何物。卽煎甘草湯。薺芫湯。飲之便治。

治骨硬

橄欖

野苧根

狗涎水

或醋煎威靈仙加

砂糖服。

解河魴毒

中河魴毒者。以金汁解之。或糞清或以香油吞吐俱可。

解火酒醉死

浸髮貼腐。飲葛根湯氣汗水。或菜豆湯。

誤吞麥苳 以鴨涎水飲之。

悞吞銅鐵金銀

多食肥肉以利便。或食乾飯以逼送。不宜食錢者。多錢茨菇以化之。

吞針

誤吞針者。以不切韭菜同蚕豆煮食。或本食水鷄眼睛一對。其眼在針兩頭戴出。

下土。

掘取

治諸骨硬

諸骨鯁喉。用苧麻根杵爛。丸如彈子大。將

煎湯化下。

一方。魚骨鯁。用細茶五倍子等分爲末。吹入咽喉立愈。

一方。以大弔一足取其涎。徐徐嚥之。卽消。

又方。用白萼花根搗爛取汁。徐徐咽之。不可着牙齒。

治稻芒糠穀鯁

鯁稻芒糠穀者。將鸞弔一足取其涎。徐徐咽下。卽消。

治吞釘鐵金銀等物。但多食肥羊脂肥肉等味。可隨大便而下。

一方。吞錢者。燒炭末。白湯調服數匙即出。或服蜜升許。

消治吞髮繞喉。不可取出。將自己頭髮作灰。白湯調服可消。

治吞鐵物。用錫糖半斤。濃煎艾汁。調和服之。誤吞水蛭。

治吞水蛭。食蜜即愈。試以活蛭投蜜中即化為水。

屢驗。一書云井中生蛭。以白馬骨投之。卽無。試之亦驗。夫蛭卽螞蝗也。雖死爲末。見水復活。人誤吞之爲害不小。治以前法無不應驗。

諸蟲入耳

百虫入耳。用藍汁灌之。或葱汁尤良。或猪肉少許。炙香。置耳孔邊亦出。或用細蘆管入耳內。口吸之。蟲隨出。

蜒蚰入耳。以鹽少許。捺入耳內。卽化爲水。

蜈蚣入耳。以雞肉置耳邊。自出。凡蟲毒入腹。作服

飲好酪二升。諸蟲化爲水。而毒亦消。

誤吞水銀

用黃泥作丸。涼水送下。其水銀混入泥中。可便而出。或飲生羊血亦可解。

鐵針入肉

凡鐵鍼誤入肉中。無眼者不動。有眼者隨氣。若走向心窩胸膈者險。急用烏鴉翎數根。各色研細末。酒調服一錢。或二錢俱可。外用神貼之。三五次其針自出。前法用在一二日。

神聖膏用車脂輦油不拘多少。即研如膏。調磁石末。攤紙上如錢許貼之。每日二換。

諸刺入肉

諸刺入肉。外傷之證也。輕淺者以針撥出。硬深者。搗螻蛄塗之。少時即出。如刺已出而仍作痛者。再以螻蛄塗之即愈。

解百物毒

誤食毒草或中蠱毒

板藍根

洗淨晒乾四兩

貫衆 去毛

青黛 研

生甘草 去論

右爲末。煉蜜爲丸。如桐子大。另以青黛爲衣。卽
名解毒丸。如稍覺精神恍惚。卽是誤中諸毒。急
取十五丸嚼爛。用新汲水送下。或用水浸蒸餅
尤佳。

飲食中毒

凡中飲食毒而覺煩熱脹滿者。急用苦參二兩。苦
酒一升半。煮半沸。陸續飲之。吐出毒食卽瘥。或以
水煮亦得。或用犀角湯亦可解。

中酒毒

飲酒中毒者。經日不醒是也。謂之中酒。用黑豆一升煮汁。溫服一盞。不過三盞即愈。

解麪毒

只以蘿蔔生啖之。或搗汁服之。麥麩性熱。蘿蔔能解其性。或用大蒜嚼食之。亦善解麪毒。

解一切食毒

凡一切飲食之毒。及飲酒不知所傷何毒。卒急無藥可解者。亦用薺芫甘草剉細。煎濃。停冷去渣。分作三服。或加蜜少許煎服。與前飲饌方同。

中蟹毒

凡食蟹中毒。用紫蘇葉濃煎汁飲之。或用紫蘇子搗汁飲之亦良。或擣藕汁。或搗蒜汁飲之。俱可解。或用冬瓜汁。或食冬瓜亦可。

食牛馬中毒

粉草搗無灰酒服。當吐瀉。若渴者。不可飲水。飲水必死。

一方。淡豆豉搗入乳服之即解。

食斑鳩毒

葛粉二合。水調服可解。薑湯調服亦解。

解花椒毒

冷水飲之卽解。或地漿水更妙。

解諸菜毒

食後多腹脹者。是中諸菜毒也。以醋解之。

解半夏毒

生薑搗汁飲之。有中此毒口不能言倒地將死者。速用薑汁灌之。須臾自甦。

藜蘆毒

解藜蘆毒者。用雄黃爲末。溫酒調服一錢。

一方。用葱煮汁服。

解雄黃毒

漢防已煎湯飲之。有用雄黃搽瘡或薰陰囊受毒。用防已煎湯洗敷數次愈。

解杏仁毒

藍子研水服則解。

解服丹毒

地漿服之爲上。一方用蚌肉食之良。

解漆毒

一州牧。以生漆塗囚眼。囚卽盲。一村叟見而憐之。語以蟹搗汁滴眼內。漆當隨汁流散。瘡亦愈矣。如其言。覓得一小蟹用之。目睛果愈。畧無損。或成紅斑爛瘡。取生蟹黃塗之。不數次卽愈。一方用杉木煎汁洗之。

解食鱔魚龜鼈蝦蟆自死禽獸等毒

豆豉一合。新汲水煎。濃燉。溫服之可解。

傷科補要卷四終

後記

《傷科補要》，清·錢秀昌著。秀昌字松溪，清上海人，生卒年不詳。錢氏自幼攻讀醫書，習傷科，訪遍名家而未獲心傳。后因折左膊，得楊雨蒼治愈，遂受業於楊，盡得其傳。錢氏以爲，漢晉以來各家林立，而傷科一法，諸書雖載，略而不詳。是故，積二十年臨床經驗，參以《整骨心法》之旨，輯接骨之法，秘傳治傷之方，著成《補要》，以濟後人。其學術淵源於《內經》。《補要》成書於清嘉慶戊辰（一八〇八），鐫刻於嘉慶戊寅（一八一八）春。於咸豐戊午（一八五八）正式刊印。全書四卷。卷一，首列人圖穴位、器具圖法、周身名位骨度注釋及脈訣。卷二，載「治三十六則之規范」。卷三，爲有關傷科之湯頭歌訣。卷四，附歷代名家之秘方及急

救良方。

通覽全書，著者十分重視理論聯系臨床，主張脈證合參，整骨手法嚴謹，遣方用藥精當，可見其豐富的治傷經驗和深厚的學術根底。是故，本書誠爲一部理、法、方、藥俱備，理論聯系實際之傷科專著。

本書翻刻流傳甚廣，現存版本據記載有十六種之多。本次校勘，以清嘉慶戊寅（一八一八）抱芳閣莊刻本爲底本。

唐允華 趙立勳

校勘表

頁數	行數	誤	正
目錄一	二	男丹書(杏)園	男丹書杏園
二七	四	十(脂)甲	十指甲
六〇	六	高起(耍)白肉也	高起奕白肉也
六九	三	金(槍)論治	金瘡論治
七五	四右	金(槍)論治	金瘡論治
八二	二	皆以肝爲(三)	皆以肝爲主
八六	一	或胃(陽)受傷	或胃腸受傷
一〇二	五	玉(紅)膏	玉紅膏
一一九	七	用布帶落其(跨)下	用布帶落其項下
一二二	四	若手(掌)著地	若手掌著地

頁數	行數	誤	正
一二四	八	再(茵)陳等湯	再茵陳等湯
一三一	九	敗血流入胃(腕)	敗血流入胃腕
一五四	九	被(力)斧所傷	被刀斧所傷
一六三	二	男丹書(杏)園	男丹書杏園
一六八	五	水銀(水)粉共爲研	水銀輕粉共爲研
一八〇	八	川(由)甲	川山甲
一九〇	四	二十(三)味	二十四味
一九一	三	白龍 ^①	白龍骨
一九五	三	(通)氣(導)瘀錠	導氣通瘀錠
二二〇	五	(銷)陽	鎖陽
三〇一	五	若下(候)去可活	若下喉去可活

									三〇九	頁數
									三	七 行數
									多(錢)茨菇	誤 取雞(疋)一二十個
									多食茨菇	正 取雞蛋一二十個